

御纂醫宗金鑑卷三十八

編輯傷寒心法要訣目錄

類傷寒五證

停飲

傷食

脚氣

虛煩

內癰

同傷寒十二證

冬溫

寒疫

瘟疫

溫病

熱病

風溫

溫瘧

濕溫

中噎

溫毒

風濕

瘧病

易愈生證

難治死證

彙方

附河間兩解利法等

附瀉藥十二類

附瀉藥

附瀉藥

附瀉藥

附瀉藥

附瀉藥

附瀉藥五類

附瀉藥五類

附瀉藥五類

御纂醫宗金鑑卷三十八

編輯傷寒心法要訣

類傷寒五證

停痰

傷食

脚氣

虛煩

內癰

相類傷寒有五證頭疼發熱惡風寒停痰頭項不強胸痛滿難
息氣衝咽傷食惡食身無痛痞悶失氣噫作酸脚氣脚膝腫
痛或為乾枯大便難虛煩微熱無表裏內癰能食審疼緣肺癰
喘欬胸引痛唾黏腥臭吐膿涎胃癰當胃痛難近腸癰腫痛少
腹堅身皮甲錯腹中急便數似淋證中看

註
類傷寒五證初病之時皆與太陽表證相類一曰停痰但

胸滿不得息氣上衝咽頭項不强痛與傷寒異耳一曰傷食但身無痛心下痞悶失氣噫氣作酸吞酸與傷寒異耳一曰脚氣但病起自脚脚膝兩脛腫痛或乾枯腫痛名曰乾脚氣大便艱難與傷寒異耳一曰虛煩惟發熱而煩無表裏證與傷寒異耳一曰內癰其狀頗類傷寒但飲食如故有癰痛之處與傷寒異耳胸中隱痛或喘或欬吐唾腥黏是肺癰也當胃作痛手不可近是胃癰也少腹重痲硬數似淋身皮甲錯是腸癰也

同傷寒十二證

冬溫

寒疫

瘟疫

春溫夏熱秋清涼冬氣冷冽令之常傷之四時皆正病非時有
氣疫爲殃應冷反溫冬溫病應溫反冷寒疫傷溫疫長幼相傳
染須識歲氣汗攻良

註

冬病傷寒春病傷風夏病

病秋病瘧疾皆四時正令之

常病也若春應暖而反寒夏應熱而反涼秋應涼而反熱
冬應寒而反溫此非其時而有其氣疫爲殃也冬應冷反
溫而病傷寒者名曰冬溫春應溫反寒而病傷寒者名曰
寒疫若一時之氣不正長幼皆病互相傳染名曰瘟疫凡
治此病須識歲氣太過不及六淫勝復人之強弱藏之寒
熱量其輕重或汗或攻輕以劉完素之雙解散重以李梴

之二聖救苦丸隨證施治可也

溫病 熱病

冬傷於寒春病溫夏曰熱病早虧陰脈浮頭疼發熱渴不惡寒
今是所因無汗河間兩解法有汗清下早當尋失治昏狂諸熱
至無證隨經以意神

註

經曰冬傷於寒春必病溫至夏爲熱病熱病者皆傷寒之
類也冬傷於寒謂冬傷正令微寒未卽病也早虧陰謂冬
不藏精之人或辛苦之人汗出內外失其固密在冬則早
已損傷腎藏陰氣陽熱獨治所以至春一感微邪卽引內
熱炎炎之勢不能已矣故病而卽渴不惡寒也初病無汗

有表證者從劉完素兩解湯治法可也有汗內熱盛者或
清或攻急瀉其陽而救其陰若內循失治昏狂諸熱證至
則緩不及事也無證謂表裏無證當隨六經以意消息治
之自可通神也

風溫

風溫原自感春風誤汗灼熱汗津生陰陽俱浮難出語身重多
眠息鼾鳴誤下直視失洩少被火發黃鼻癡驚葳蕤桂枝參白
虎一逆引日再命終

註

冬傷於寒不即病者復感春寒名曰溫病復感春風名曰
風溫風溫有汗不可汗也若誤汗之益助火邪則身熱如

火自汗津津不止言語難出身重多眠鼻息鼾鳴也風溫
陰陽脈俱浮不可下也若誤下之熱陷膀胱竭其津液則
直視夫溲小便少也風溼熱盛若誤以火熏蒸強汗火旺
津亾則發黃色癢癢驚癇也風溫之證不可汗下主以葳
蕤湯若脈虛汗多主以桂枝合人參白虎湯一逆引日再
命終謂一逆尚可引日若汗而又下而又火則爲再逆
是促命期也

溫瘧

溫瘧得之冬中風寒氣藏於骨髓中至春邪氣不能發遇暑爍
髓消肌形或因用力腠發泄邪汗同出故熱生衰則氣復寒後

作證同溫熱治相同

註

經曰溫瘧得之冬中於風寒氣藏於骨髓之中至春陽氣尚微邪氣不能自出因值大暑燥腦髓消肌肉腠理發泄或有所用力邪氣與汗同出出則陰虛而陽盛故熱生也衰則氣復入入則陽虛而陰盛故後作寒也其證同溫熱治亦相同也

濕溫

溫復傷濕濕溫病身重胸滿及頭疼妄言多汗兩脛冷白虎湯加蒼朮苓

註

溫病復傷於濕名曰濕溫其證則身重胸滿頭疼妄言多

汗兩脛逆冷宜白虎湯加蒼朮茯苓溫溼兩治法也

中暍 溫毒 風溼

溫病中暍溫毒病證同溫熱熱尤炎傷濕汗出當風立風濕發

熱重疼痛

註中暍即中暑也溫熱之病復中於暑名曰溫毒證治同乎

溫熱但熱尤盛也傷濕之病復感於風名曰風濕其證發

熱身重疼痛牽掣也治法已詳於身痛矣中暍詳在暑門

瘧證

瘧證反張搖頭噤項強拘急轉側難身熱足寒面目赤須審剛

柔治法全

許
風濕寒之邪合而爲瘧其證則背反張搖頭口噤項強拘
急轉側艱難身熱足寒面目赤色也須審剛柔治之可瘥
也風濕盛者則有汗爲柔瘥風寒盛者則無汗爲剛瘥均
以小續命湯主之剛瘥去附子柔瘥去麻黃表實者去參
附加羌活獨活裏實者去參附加芩消大黃甚者則以葛
根湯桂枝加葛根湯發之此治瘥之大畧也詳在瘥門

易愈生證

神清色澤亮音聲身輕膚潤帳和洪忽然口噤難言躁帳卽停
伏戰汗寧飲多消散知釀汗能食帳浮表還平子得午解陽來
濟午得子解是陰從

註
 易愈之病取於神則神清取於色則色澤取於聲則音長
 取於體則身輕取于皮則膚潤取於脈則和洪皆一派不
 死之證故曰生證也若有如是之生證忽然口噤不語煩
 躁而甚六脈停伏宜謹察之非變凶也乃邪正交爭生戰
 汗之候為將愈之兆也凡傷寒渴者多陽證易愈若忽然
 飲多尋常消散無停知釀汗而作解也傷寒多不能食若
 忽然能食且脈浮知胃和邪還於表而作解也若不即解
 者陰陽未得其時也子時得之午時必解陽濟陰生而解
 也午時得之子時必解陰從陽化而解也

難治死證

傷寒死證陽見陰大熱不止岷失神陰毒陽毒六七日色枯聲
敗死多聞心絕烟熏陽獨留神昏直視及搖頭環口黧黑腹滿
利柔汗陰黃脾敗由肺絕岷浮而無胃汗出如油喘不休脣脛
反青肢冷汗舌卷囊縮是肝憂面黑齒長且枯垢溲便遺失腎
可愁水漿不入岷代散呃逆不已命難留大發風溫而成瘧濕
溫重喝促命終強發少陰動經血口鼻目出厥竭名汗後狂言
不食熱岷躁陰陽交死形厥冷不及七八日膚冷而躁暫難寧
此病名之曰藏厥厥而無岷暴出凶厥而下利當不食反能食
者名除中

註
病有生死治有難易生病不藥可愈死病雖藥莫救何則

以陰陽邪正有盛衰也正盛邪衰則生陰盛陽衰則死傷
寒陽證見浮大數動滑之陽脈則易愈而生見沉微瀯弱
弦之陰脈則難治而死故陰病見陽脈者生陽病見陰脈
者死也大熱不止邪盛脈失神正虛正虛邪盛故死也陰
毒陽毒亢極不生化也色枯聲敗內外兩奪也故均主死
形若烟熏神昏直視搖頭者此陽邪獨留攻心而絕也環
口黧黑腹滿下利不止柔汗陽黃者此為脾絕也脈但浮
無胃汗出如油喘息不休者此為肺絕也唇脣反青四肢
冷汗舌卷囊縮此為肝絕也面黑齒長枯垢溲便遺失者
此為腎絕也水漿不入生無所賴也脈代散真氣衰散也

呃逆無休元氣不藏也誤發風溫之汗因而成瘧誤發溼
溫之汗名曰重暍皆促人命也強發少陰汗動其經血從
口鼻曰出名曰下厥上暍以上皆死之候也汗後狂言不
食仍復發熱不為汗衰脈躁疾者名曰陰陽交死之形也
厥逆不回至七八日卽通身膚冷而躁無暫寧時者名為
藏厥為陰邪盛極真陽飛越也凡厥逆而甚者多無脈服
四逆白通等湯脈微續者真陽漸復也脈暴出者回光反
照也凡厥逆多下利當不能食今反能食名曰除中中者
胃也除者去也謂胃氣已去卽反能食亦無補於胃也故
仲景曰除中者死凡病之人不能食忽然大能食而卽死

者亦此類也

彙方

桂枝湯

小建中湯

當歸建中湯

黃耆建中湯

桂枝加葛根湯

桂枝新加湯

當歸四逆湯

當歸四逆加吳茱萸生薑湯

桂枝加附子湯

芍藥甘草湯

桂枝甘草湯

桂枝芍藥草薑棗加飴歸者曰建中加葛根湯加乾葛新加倍
芍加參稱當歸四逆歸通細更加吳萸薑用生加附子湯加附
子去桂去芍兩名與

註

桂枝湯桂枝芍藥甘草生薑大棗也依本方倍芍藥加飴
糖名小建中湯更加當歸名當歸建中湯更加黃耆名黃
耆建中湯依本方加葛根名桂枝加葛根湯依本方倍芍
藥加人參名桂枝新加湯依本方加當歸通草細辛名當

歸四逆湯更加吳茱萸生薑名當歸四逆加吳茱萸生薑湯依本方加附子名桂枝加附子湯依本方去桂枝名芍藥甘草湯依本方去芍藥名桂枝甘草湯

桂枝去芍藥加茯苓白朮湯

苓桂朮甘湯

茯苓甘草湯

茯苓桂枝甘草大棗湯

桂枝去芍加苓朮苓桂朮甘去棗薑茯苓甘草生薑桂加棗除薑大棗湯

註 桂枝去芍藥加茯苓白朮湯即桂枝甘草生薑大棗茯苓

白朮也依本方減去大棗生薑卽苓桂朮甘湯也茯苓甘草湯卽茯苓甘草桂枝生薑也依本方加大棗減生薑卽茯苓桂枝甘草大棗湯也

葛根湯

桂枝麻黃各半湯

桂枝二麻黃一湯

桂枝二越婢一湯

葛根桂枝加麻葛合麻桂麻各半湯桂二麻一麻減半桂二越一桂倍方

註 葛根湯卽桂枝湯加麻黃葛根也桂枝麻黃各半湯卽桂

枝湯麻黃湯二方合劑也桂枝二麻黃一湯即桂枝湯合減一半麻黃湯也桂枝二越婢一湯即越婢湯合加一倍

桂枝湯也

麻黃湯

大青龍湯

越婢湯

越婢加附子湯

越婢加半夏湯

麻黃麻桂甘草杏加膏薑棗大青龍越婢大青減桂杏加附加

半風水清

註
麻黃湯麻黃桂枝甘草杏仁也依本方加石膏生薑大青
名大青龍湯依大青龍湯減桂枝杏仁名越婢湯治風水
病之肌熱者若陽虛惡寒加附子名越婢加附子湯喘欬
上氣加半夏名越婢加半夏湯當清別而施治也

麻黃加朮湯

三拗湯

麻杏石甘湯

麻黃加朮風濕痛三拗去桂喘寒風加膏麻杏石甘劑外寒內
熱喘收功

註
麻黃加朮湯即麻黃湯加白朮也治風濕在表身痛麻黃

湯去桂枝名三拗湯治風寒表實而喘三拗湯加石膏名

麻杏石甘湯治內熱表寒無汗而喘

麻黃附子細辛湯

麻黃附子甘草湯

麻黃附子細辛湯減辛加草甘草方兩感太陽少陰證能發表

水裏寒涼

註麻黃附子細辛湯即此三味也去細辛加甘草名麻黃附

子甘草湯不但能發兩感太陽少陰表熱裏寒之證且能

發太陽少陰表水裏寒之腫也

小青龍湯

附子湯

真武湯

桂芍乾薑辛半夏麻黃甘草小青龍附子木附參苓芍真武無
參有薑生

註

小青龍湯桂枝白芍乾薑細辛半夏五味子麻黃甘草也

附子湯白朮附子人參茯苓白芍也真武湯即附子湯除
去人參加生薑也

乾薑附子湯

白通湯

白通加人尿豬膽汁湯

四逆湯

通脈四逆湯

茯苓四逆湯

理中湯

桂枝人參湯

附子理中湯

治中湯

薑附加葱白通劑更加尿膽治格陽加草四逆葱通脈加參茯苓四逆方理中參朮乾薑草加桂桂枝人參湯加附名曰附子理加入青陳治中湯

註

乾薑附子名曰乾薑附子湯依本方加葱名曰白通湯更
加人尿豬膽汁名白通加人尿豬膽汁湯依本方加甘草
名四逆湯更加葱白名通脈四逆湯依四逆湯方加人參
茯苓名茯苓四逆湯溫中利水人參白朮乾薑甘草名理
中湯依理中湯方加桂枝名桂枝人參湯依理中湯方加
附子名附子理中湯依理中湯方加青皮陳皮名治中湯
溫中理氣

五苓散

春澤湯

五苓甘露飲

蒼附五苓散

茵陳五苓散

胃苓湯

五苓停水尿不利內蓄膀胱外太湯二苓澤朮桂分用虛渴加參春澤湯甘露寒水膏滑入蒼附內寒附子蒼茵陳發黃小便澁食瀉合胃胃苓方

註

五苓散即茯苓猪苓澤瀉白朮桂枝也治水停小便不利少腹滿則爲內蓄膀胱若不兼太陽頭痛惡寒發熱自汗之表則不用桂枝而用肉桂故曰桂分用也治諸虛飲渴加人參名春澤湯治水停內熱加寒水石滑石石膏名五

苓甘露飲治水停內寒加附子蒼朮名蒼附五苓散治內
瘀濕熱小便不利發黃加茵陳名茵陳五苓散治停水傷
食泄瀉合平胃散名胃苓湯

梔子鼓湯

梔子甘草鼓湯

梔子生薑鼓湯

枳實梔子鼓湯

枳實梔子鼓加大黃湯

梔子乾薑湯

梔子厚朴湯

梔豉加草加生薑枳實梔豉加大黃去豉梔子乾薑入枳朴梔

子厚朴湯

註

梔子淡豆豉名梔子豉湯加甘草名梔子甘草豉湯加生

薑名梔子生薑豉湯加枳實名枳實梔子豉湯依枳實梔

子豉方加大黃名枳實梔子豉加大黃湯去豉加乾薑名

梔子乾薑湯去豉加枳實厚朴名梔子厚朴湯

麻黃連翹赤小豆湯

梔子蘖皮湯

茵陳蒿湯

麻黃連翹赤小豆梓皮杏草棗生薑梔子蘖皮茵陳草茵陳蒿

湯茵梔黃

註

麻黃連翹赤小豆湯即麻黃連翹赤小豆生梓白皮杏仁
甘草大棗生薑也如無梓皮以茵陳代之梔子蘖皮湯即
梔子黃蘖甘草也此方當有茵陳茵陳蒿湯即茵陳梔子
大黃也

大黃黃連瀉心湯

附子瀉心湯

甘草瀉心湯

半夏瀉心湯

生薑瀉心湯

印真齋全益 卷三十一 編輯傷寒心法要訣

旋覆代赭石湯

大黃黃連瀉心浸附子煮汁大連芩甘草芩連乾半夏同
上更加參生薑瀉心生薑入覆赭薑棗半甘參

註大黃黃連瀉心湯即大黃黃連滾湯浸而服也附子謂附

子瀉心湯也附子煎汁大黃黃連黃芩浸而對服甘草瀉

心湯即甘草黃芩黃連乾薑半夏大棗也半夏瀉心湯即

同上方加人參也生薑瀉心湯即半夏瀉心方再加生薑

也旋覆代赭石湯即旋覆花代赭石甘草半夏大棗生薑

人參也

十棗湯

白散方

調胃承氣湯

大陷胸湯

大陷胸丸

小陷胸湯

十棗芫花甘遂戟白散桔貝巴霜俱調胃大黃芩消草大陷去
草入遂須為丸更加杏苧蜜小陷連半栝萸實

註十棗湯即十枚大棗芫花甘遂大戟也白散即桔梗貝母

巴豆霜也調胃承氣湯即大黃芩消甘草也大陷胸湯即

調胃承氣湯去甘草加甘遂些須也大陷胸丸即大陷胸

湯加杏仁

葶藶子蜜也小陷胸湯即黃連半夏栝蒌實也

小承氣湯

大承氣湯

麻仁丸

桃仁承氣湯

抵當湯丸

三一承氣湯

黃龍湯

小承大黃同枳朴加消即是大承方麻仁小承麻杏芍桃仁調

胃桂枝長抵當湯丸分微甚俱用桃黃水蛭蝱二承合一名三

一加參歸桔黃龍湯

註

小承氣湯卽大黃枳實厚朴也依本方加芒消卽大承氣湯麻仁丸卽小承氣湯方加麻仁杏仁芍藥也桃仁承氣湯卽調胃承氣湯加桃仁桂枝也抵當湯九分病之微甚俱用桃仁大黃水蛭蝱蟲四味也三承謂大承氣小承氣調胃承氣三方合爲一方名曰三一承氣湯依三一承氣方再加入參當歸桔梗名曰黃龍湯

小柴胡湯

大柴胡湯

柴胡加芒消湯

柴胡桂枝湯

小柴芩半人參草大柴芩半枳芍黃小柴胡加芩消入合桂柴

胡桂枝湯

註

小柴胡湯即柴胡黃芩半夏人參甘草也大柴胡湯柴胡

黃芩半夏枳實芍藥大黃也柴胡加芩消湯即小柴胡湯

方加芩消也柴胡桂枝湯即桂枝湯小柴胡湯二方合為

一方也

豬苓湯

白虎湯

竹葉石膏湯

豬苓二苓膠滑澤白虎膏知甘草粳竹葉石膏除知母加參半

竹麥門冬

註

豬苓湯即豬苓茯苓阿膠滑石澤瀉也白虎湯即石膏知

母甘草粳米也竹葉石膏湯即白虎湯除知母加人參竹

葉半夏麥門冬也

炙甘草湯

汗下煩悸小建治水悸茯苓甘草君虛悸肺痿炙甘草地阿桂

酒麥酸參

註

汗下後虛煩而悸宜小建中湯治之心下悸若飲水多小

便少謂之水悸宜茯苓甘草湯若因汗下後謂之虛悸宜

炙甘草湯即炙草生地阿膠桂枝麥冬酸棗仁人參生薑
大棗酒煎也肺痿用麻仁可也

桃花湯

赤石脂禹餘糧湯

黃芩湯

白頭翁湯

桃花乾薑石脂糯米禹糧固脫功黃芩甘草芍大棗連蘗秦

皮白頭翁

註 桃花湯即乾薑赤石脂糯米也赤石脂禹餘糧湯即此二

味也黃芩湯即黃芩甘草白芍大棗也白頭翁湯即黃連

黃蘗秦皮白頭翁也

葛根黃連黃芩湯

乾薑黃連黃芩湯

黃連湯

黃連阿膠湯

葛根連芩湯甘草乾薑連芩湯人參連參桂草乾半棗連膠芩

芍卵黃新

註

葛根黃連黃芩湯卽此三味加甘草也乾薑黃連黃芩湯

卽此三味加入人參也黃連湯卽黃連人參桂枝甘草乾薑

半夏大棗也黃連阿膠湯卽黃連阿膠黃芩白芍雞子黃

也

四逆散

吳茱萸湯

烏梅丸

柴芍枳草四逆散人參薑棗吳茱萸烏梅參歸連蘘細椒薑桂

附苦酒需

註

四逆散即柴胡白芍枳實甘草也吳茱萸湯即人參生薑

大棗吳茱萸也烏梅丸即烏梅人參當歸黃連黃蘗細辛

川椒乾薑桂枝附子為末苦酒為丸也

傷寒附法

傷寒傳變大法已詳傷寒論註及心法要訣中矣然近世
治四時傷寒者咸用河間兩解等法每多神效誠治斯證
之捷法也今復採雙解散防風通聖散諸經驗名方編爲
歌訣附於心法之後俾後之學者知所變通庶幾於傷寒
一證經常變有所遵循而無遺法云

雙解散完素解利初法

雙解通聖合六一四時溫熱正傷寒兩許爲劑葱薑豉汗下兼
行表裏宜強者加倍弱減半不解連進自然安若因汗少麻倍
入便鞭消黃加倍添

註
名曰雙解散者以其能發表攻裏卽防風通聖散六一散

二方合劑也河間制此解利四時冬溫春溫夏熱秋熱正
令傷寒凡邪在三陽表裏不解者以兩許爲劑加葱薑淡
豆豉煎服之候汗下兼行表裏卽解形氣强者兩半爲劑
形氣弱者五錢爲劑若初服因汗少不解則爲表實倍加
麻黃以汗之因便鞭不解則爲裏實倍加消黃以下之連
進二三服必令汗出下利而解也今人不知其妙以河間
過用寒涼仲景傷寒初無下法棄而不用深可惜也不知
其法神捷莫不應手取效從無寒中痞結之變卽有一二
不解者非未盡法之善則必已傳陽明故不解也防風通
聖散詳在後

河間解利後法

汗下已通仍不解皆因不徹已傳經內熱煩渴甘露飲甚用白
虎解毒清有表熱煩柴葛解表實大熱三黃寧裏熱尿赤涼天
水胃實不便大柴承

註服雙解散汗下已通而仍不解者皆因汗之不徹或已傳

經治之不及也若表已解而裏有微熱煩渴者用桂苓甘
露飲以和太陽之裏若內熱大甚大熱大煩大渴者用白
虎湯合黃連解毒湯以清陽明之裏若表未解又傳陽明
身熱而煩用柴葛解肌湯以解兩陽之邪若表實無汗大
熱而煩用三黃石膏湯以清表裏之熱若裏有熱尿赤而

澁者用涼膈散合天水散以清利之若胃實潮熱不大便
有微表者用大柴胡湯下之無表者三承氣湯下之桂苓
甘露飲白虎湯大柴胡湯三承氣湯已詳傷寒要訣六一
散涼膈散詳在雜病要訣

防風通聖散

防風通聖治風熱鬱在三焦表裏中氣血不宜經絡壅滯
薄草歸芎消黃芩朮膏滑石麻黃桔梗共防荆利減消黃嘔薑
半自汗麻去桂枝增

詩

此方治一切風火之邪鬱于三焦表裏經絡氣血不得宜
通初感發熱頭痛膚疹傳經斑黃抽搐煩渴不眠便秘尿

澁皆可服之功效甚奇用之自知其妙也

柴葛解肌湯

四時合病在三陽柴葛解肌柴葛羌白芷桔苓膏芍草利減石膏嘔半薑

註

此方陶華所製以代葛根湯凡四時太陽陽明少陽合病輕證均宜以此湯增減治之增減者謂如無太陽證者減羌活無少陽證者減柴胡也即柴胡葛根羌活白芷桔梗赤芍石膏黃苓甘草也下利減石膏以避裏虛也嘔加半夏生薑以降裏逆也

黃連解毒湯

梔子金花湯

三黃石膏湯

陽毒熱極疹斑嘔煩渴呻吟譫語狂下後便軟熱不已連芩梔
葉解毒湯裏實便鞭當攻下梔子金花加大黃表實膏麻葱豆
豉下利除膏入葛良

註

陽毒熱極等證或下後便軟壯熱不已宜黃連解毒湯即

黃連黃芩黃蘗梔子也若裏實便鞭當攻下者宜加大黃

名梔子金花湯若表實無汗當發汗者宜加石膏麻黃淡

豆豉葱白名三黃石膏湯下利者減石膏加葛根避裏不

實也

消毒犀角飲

消毒犀角表疹斑毒壅咽喉腫痛難犀角牛蒡荆防草熱盛加薄翹芩連

註

消毒犀角飲卽消毒飲之防風荆芥牛蒡子甘草加犀角也熱盛加連翹薄荷黃芩黃連也

消斑青黛飲

消斑青黛消斑毒參虎柴犀梔地元黃連熱實減參去苦酒加八大黃煎

註

消斑青黛飲卽青黛參虎謂人參白虎湯卽人參石膏知母甘草柴胡犀角山梔生地元參黃連用苦酒與水煎也

熱甚便實者減去人參加大黃可也

普濟消毒飲

普濟大頭天行病無裏邪熱客高巔芩連薄荷翹柴升桔蠶草陳
勃芎藍元

註

普濟消毒飲治天行傳染大頭瘟疫無裏可下者是其邪
熱客於高巔卽黃芩黃連薄荷連翹柴胡升麻桔梗殭蠶
甘草陳皮馬勃牛蒡子板藍根元參也

連翹敗毒散

連翹敗毒散發頤高腫焮紅痛可除花粉連翹柴胡芎荈防升
草桔羌獨紅花蘇木芎歸尾腫面還加芷漏蘆腫堅皂刺穿山

甲便燥應添大黃疏

註

連翹敗毒散治時毒發頤高腫焮紅疼痛之陽證也即連翹天花粉柴胡牛蒡子荆芥防風升麻甘草桔梗羌活獨活紅花蘇木川芎歸尾兩頤連面皆腫加白芷漏蘆腫堅不消加皂刺穿山甲大便秘結加酒炒大黃

都氣湯

橘皮竹茹湯

呃逆腎虛都氣湯六味肉桂五味方橘皮竹茹虛熱主橘竹參草棗生薑

註

都氣湯即六味地黃湯加肉桂五味子也橘皮竹茹湯即

橘紅竹茹人參甘草大棗生薑也

歲時湯

風溫浮盛歲時湯羌麻葛芷青木香芎草石膏歲時杏裏實熱甚入消黃

註

風溫初起六脈浮盛表實壯熱汗少者宜歲時湯以發表風邪也即羌活麻黃葛根白芷青木香川芎甘草石膏歲時杏仁也裏實熱甚多汗者如芒消大黃以攻裏熱也

桂枝白虎湯

風溫虛熱汗出多難任歲時可奈仍須是齟睡而燥渴方宜桂枝虎參合

註
風溫初起脈浮有力汗少壯熱宜與葳蕤湯若脈虛身熱
汗多難用葳蕤湯者合與桂枝白虎加人參湯如不寤
口中和而不燥不渴身熱汗多脈浮盛者乃少陽之證非
風溫也卽桂枝白虎加人參湯亦不可用也

瀉心導赤各半湯

越經無證如醉熱脈和導赤各半湯芩連梔子神參麥知滑犀
草棗燈薑

註
越經病名也無證謂無表裏證也無表裏證脈和而身熱
不解形如醉人者是越經證也宜瀉心導赤各半湯治之
卽黃連黃芩梔子茯神人參麥冬知母滑石犀角甘草燈

心生薑大棗也

大羌活湯

兩感傷寒病二經大羌活湯苴川芎二防二朮二活細生地芩

連知母同

註兩感傷寒病名也二經謂一曰太陽少陰二曰陽明太陰

三曰少陽厥陰同病也張潔古製大羌活湯治之即甘草

川芎防風防己蒼朮白朮羌活獨活細辛生地黃芩黃連

知母也詳在傷寒要訣

還陽散

退陰散

黑奴丸

陰毒還陽硫黃末退陰炮烏乾薑均陽毒黑奴小麥疽芩麻消
黃金竈塵

註

還陽散卽石硫黃末每服二錢新汲水調下良久寒熱汗
不出再服之汗出愈退陰散卽炮變色川烏微炒乾薑等
分爲末每服一錢鹽湯滾數沸服四肢不溫連服三次卽
溫熱服若吐冷服亦可黑奴丸卽小麥成黑疽者名曰小
麥奴黃芩麻黃芩消大黃釜底煤竈突烟梁上塵也爲末
蜜丸重四錢新汲水下服後若渴欲飲冷水者令恣意飲
之須臾自當寒振汗出腹響微利而解也若不渴者恐是

陰極似陽服之反爲害耳

九味羌活湯

九味羌活卽冲和四時不正氣爲疴潔古製此代麻桂羌防蒼
細芷芎合生地草芩喘加杏無汗加麻有桂多胸滿去地加枳
桔煩渴知膏熱自瘥

註

此湯卽冲和湯張潔古製此以代麻黃桂枝二湯卽羌活
防風蒼木細辛白芷川芎生地甘草黃芩也喘加杏仁無
汗加麻黃有汗加桂枝胸膈滿悶去生地加枳殼桔梗快
膈氣也煩渴引飲加知母石膏熱自瘥也

十神湯

神外感寒氣病功在溫經利氣殊升葛芎麻甘草芍薑葱香

附芷陳蘇

註

此湯即升麻葛根川芎麻黃甘草芍藥香附白芷陳皮蘇
葉生薑葱白也能外發寒邪內舒鬱氣故曰寒氣病較之
他劑有溫經利氣之功殊也

人參敗毒散

荆防敗毒散

倉廩散

人參敗毒虛感冒發散時毒疹痢良參苓枳桔芎草共柴前薄
荷與獨羌時毒減參加翹芎血風時疹入荆防表熱噤痢加倉

御製醫宗金鑑卷三十一
米溫熱芩連實消黃

註

人參敗毒散治氣虛感冒時氣之病卽枳殼桔梗川芎荻
荅人參甘草柴胡前胡薄荷獨活羌活也時毒謂受四時
不正之氣或腫兩腮兩頤或咽喉腫痛依本方減人參加
牛蒡連翹治之時疹謂初病卽有之疹血風謂遍身騷癢
之疹俱依本方減人參加荆芥防風治之名荆防散毒散
表熱無汗噤口痢疾依本方加倉米治之名倉廩散溫癘
熱病熱甚俱加黃連黃芩胃實便壅俱加芒消大黃也

五積散

內傷生冷外感寒五積平胃半荅攢麻桂枳桔歸芍芍薑芷加

附逐陰寒腹痛嘔逆吳萸入有汗除麻桂枝添虛加參朮除枳
枯婦人經痛艾醋煎

註

五積散卽蒼朮陳皮厚朴甘草半夏茯苓麻黃官桂枳殼
桔梗當歸川芎白芍乾薑白芷也表重用桂枝裏重用官
桂陰寒肢冷加附子腹痛嘔逆加吳茱萸有汗除去麻黃
加桂枝氣虛加人參白朮除去枳桔婦人經痛加艾葉醋
煎服之

升麻葛根湯

升葛芍草表陽明下利斑疹兩收功麻黃太陽無汗入柴芩同
病少陽經

註
升麻葛根白芍甘草即升麻葛根湯也陽明表邪不解或
數下利及斑疹不透者均宜主之若兼太陽無汗之表證
入麻黃若兼少陽口苦耳聾寒熱往來半表裏之證加柴
胡黃芩也

二聖救苦丹

初起時疫溫熱病救苦汗吐下俱全熱實百發而百中大黃皂
角水為丸

註

此丹即大黃四兩皂角二兩為末水為丸也每服三錢無
根水下弱者老者幼者量減服之此藥施治於初起時疫
傳染傷寒溫病熱病熱盛形氣俱實者百發百中服後或

汗或吐或下三法俱全其病立解

溫膽湯

傷寒病後液津乾虛煩嘔渴不成眠乃是竹葉石膏證膽經飲熱此方先口苦嘔涎煩驚悸半苓橘草枳竹煎氣虛加參渴去半再加麥粉熱苓連

註

傷寒病後燥渴虛煩乃竹葉石膏湯證非溫膽湯證詳在傷寒要訣若少陽膽經飲熱則口苦嘔煩驚悸是溫膽湯證也即半夏茯苓橘皮甘草枳實竹茹也形氣俱虛或因汗吐下後及氣虛者均加人參渴去半夏加麥冬花粉以生津也有熱加黃芩黃連以清熱也

行身醫治金

卷三十一

三

御纂醫宗金鑑卷三十九

編輯雜病心法要訣目錄

真中風

類中風

傷風

瘧病

痺證

痿證

腳氣

癰疽

瘰癧

疔瘡

癰疽

癰疽

癰疽

癰疽

癰疽脈訣心法要旨目錄

癰疽醫宗金鑑卷三十一

御纂醫宗金鑑卷之三十九

編輯雜病心法要訣

中風總括

風從外中傷肢體痰火內發病心官體傷不仁與不用心病神昏不語言當分中絡經府藏更審虛實寒熱痰脫證撒手為脾絕開口眼合是心肝遺尿腎絕鼾聲肺閉證握固緊牙關初以通關先取嚏痰壅不下吐為先

註

風謂虛邪賊風從外而中傷人四肢軀體故名曰中風痰火謂痰火從內而發病人心主之官故名曰痰火體中風邪輕則頑麻不仁重則癱瘓不用心病痰火輕則舌強難

語重則痰壅神昏此證或內或外單病輕兼病重當細辨
其中絡中經中府中藏及中經絡兼中府藏併細審其兼
虛兼實兼寒兼熱兼痰與夫脫證閉證之淺深緩急而治
之凡初中宜先用通關散取嚏有嚏可治無嚏多死口噤
者用開關散擦牙軟之痰涎壅盛用諸吐法涌之若口噤
不開湯藥不能下咽者則將應服之藥隨引調如麩茶含
在不病人口內用葦管或筆管插入病人鼻孔使氣連藥
吹之其藥自能入咽不可用金器搗之恐傷齒也

按

中風一證分中血脈中府中藏始自李東垣中血脈者大
秦芫湯中府者小續命湯中藏者三化湯然從未見有三

化湯中藏之證惟金匱書中分爲四證曰絡曰經曰府曰
藏其說最爲的當可爲後世法蓋口眼喎斜肌膚不仁邪
在絡也左右不遂筋骨不用邪在經也昏不識人便溺阻
隔邪在府也神昏不語脣緩涎出邪在藏也學者細閱諸
家之論自知不謬云爾

中風死候

寸口脈平卒中死生氣獨絕暴脫之五藏幾息呼吸泯譬如墮
溺豈能期脈來一息七八至不大不小尚能醫大小浮蒼沉夜
死脈絕不至死何疑脫證竝見皆死候搖頭上竄氣長噓喘汗
如油痰拽鋸肉脫筋痛髮枯直

註
寸口脈平謂寸關尺脈俱平之人忽然卒中而死者皆因
中邪太甚閉塞九竅天真之氣不能與人之生氣相通則
獨絕於內也譬如墮跌溺水豈能預期其死耶脈來一息
七八至者不大不小雖因可治若大而無倫小而如織浮
主晝死沉主夜死不可治也五藏脫證若三藏四藏並見
及搖頭上竄等證皆死候也

通關散

開關散

熏鼻法

解語法

關星皂細荷半開關烏梅冰片南巴油紙皂烟熏鼻龜尿舌
點難言

註

通關散南星皂角細辛薄荷生半夏為末吹鼻有嚏可治

開關散烏梅肉冰片生南星為末擦牙其噤可開巴豆油

紙捲皂角末燒烟熏入鼻內人事自省取龜尿點在舌下

言語自易

三聖散

瓜蒂散

全蠍散

五元散

巴礬丸

無汗吐宜防藜蒂有汗瓜蒂入蠍全重劑藜豆礬皂膽痰壅吐
以巴礬丸

註

痰涎壅盛無汗表實用三聖散即防風藜蘆瓜蒂吐之有
汗裏實用瓜蒂散即瓜蒂赤小豆或用全蠍散即瓜蒂散
加全蠍吐之此皆吐之輕劑也甚則用五元散乃藜蘆赤
小豆白礬皂角膽礬巴礬丸即巴豆枯白礬吐之

烏藥順氣散

烏藥順氣實中絡喎斜頑麻風注疼麻黃枳桔烏蠶共白芷乾
薑陳草芎

註實中絡謂風邪中絡之人形氣實者也喎斜口眼歪斜也
頑麻肌膚麻木也風注疼風氣攻注骨節疼也是方麻黃
枳殼桔梗烏藥殭蠶白芷陳皮乾薑甘草川芎也

大秦芎湯

大秦芎湯虛中絡喎斜偏廢減參珍秦芎生地石膏共羌獨防
芷細辛芩

註虛中絡謂風邪中絡之人形氣虛者也偏廢謂半身不遂
也減參珍謂八珍湯減去人參加入秦芎生地石膏羌活
獨活白芷防風細辛黃芩也偏廢是中經之證而亦可治
之者以此方能養血榮筋爲久病風人調理之劑

換骨丹

中經氣實宜換骨喎斜癱痿芷芎防冰麝硃香槐苦味仙人麻
首蔓蒼桑

註

中經氣實謂風邪中經之人形氣實也癱左不用也痿右
不用也換骨丹白芷川芎防風冰片麝香硃砂木香槐角
苦參五味子威靈仙人參麻黃膏何首烏蔓荊子蒼朮桑
皮也麻黃膏者以麻黃熬成膏和煎藥爲丸硃砂滾衣也

小續命湯

小續命湯虛經絡八風五痺總能全麻杏桂芍通營衛參草歸
芎氣血宜風淫防風濕淫已黃芩熱淫附子寒春夏石膏知母

入秋冬桂附倍加添

註 虛經絡謂風邪中經中絡之人形氣虛也八風謂八方之

邪風中人爲病也五痺詳見痺門要訣中

黃耆五物湯

黃耆五物虛經絡偏廢虛風無力癱心清語蹇因舌軟舌強神濁是火痰補衛黃耆起不用益營芍桂棗薑煎左加當歸下牛膝筋瓜骨虎附經添

註

黃耆五物湯治因虛召風中人經絡而病半身不遂者然

審其人若舌強難言神氣不清則是痰火爲病不宐此方若心清語蹇舌軟無力難言者乃是營衛不足之病宐用

此方經曰衛虛則不用營虛則不仁此方君黃耆而補衛
 以起不用臣桂枝白芍而益營以治不仁佐生薑大棗以
 和營衛也不仁不用在右者屬氣宜倍加黃耆在左者屬
 血則加當歸在下兩腿兩膝軟者則加牛膝骨軟不能久
 立者則加虎骨筋軟難於屈伸者則加木瓜周身或左或
 右經絡不宜通者則加炮附子有寒者亦加之此方屢試
 屢効者其功力專於補外所以不用人參補內甘草補中
 也

三化湯

搜風順氣丸

三化氣實風中府昏冒閉滿小承羗形氣俱虛及風燥搜風順氣自然康

註

氣實風中府謂風邪中府之人形氣實也昏冒謂神昏不知人也閉滿謂二便阻隔腹滿脹也小承羗謂小承氣湯厚朴枳實大黃加羗活卽三化湯也若其人形氣俱虛則當以搜風順氣丸緩緩治之自然康也久病風之人大便多結燥謂之風燥或用續命湯汗過三化湯下過津液枯乾以致結燥凡病不論中經絡藏府但有二便阻隔形氣不足難堪攻下者均宜此法以搜六府之風通腸胃中之氣二便自利矣

牛黃清心丸

牛黃清心實中藏痰壅神昏不語言口眼喎斜形氣盛兩手握

固緊牙關

註

牛黃清心丸治風邪中藏之人形氣俱實其證痰涎壅塞

神昏不能言語口眼喎斜形氣滿盛兩手握固牙關緊急

之閉證皆可服之

參附湯

參附湯治虛中藏昏緩涎出不語言昏不知人身偏廢五脫證

見倍參煎

註

參附湯即人參附子也治風邪中藏之人形氣俱虛其證

唇緩不收痰涎流出神昏不語身肢偏廢或與五藏脫證
竝見宜大倍人參先固虛脫次治風邪可也

千金還魂湯

經絡閉證卒中惡氣促神昏不識人無汗拘急身偏痛肉桂麻
草杏還魂

註

經絡閉證謂風邪中經絡之閉證也氣促謂氣粗盛也無
汗四肢拘急身體偏痛乃表邪固閉宜用肉桂麻黃甘草
杏仁卽還魂湯以開之

奪命散

藏府閉證腹滿閉昏噤痰結在喉間危急湯藥不能下奪命巴

芷半葶南

註 藏府閉證謂風邪中藏府之閉證也腹滿閉謂腹滿二便閉也兼之神昏口噤不開結痰喉間不下宜用是方吐下之巴豆白芷半夏葶生南星也

三生飲

三生飲治中風寒厥逆沉伏涌氣痰星香烏附俱生用氣虛加參脫倍添

註

中風寒謂不論經絡藏府風邪中藏寒之人也厥逆謂四肢冷也沉伏謂六脈沉伏也是方生南星生川烏生附子木香也惟寒盛氣實者宜之若氣虛者加人參虛極將脫

者大倍人參始可用之而無倒戈之害也

祛風至寶湯

祛風至寶中風熱浮數面赤熱而煩通聖加蠍天麻細白附羌

獨連蘗蠶

註

中風熱謂不論經絡藏府風邪中府熱之人也浮數謂六

脈浮數也熱而煩謂身熱心煩也通聖謂防風通聖散方

中加全蠍天麻細辛白附羌活獨活黃蘗黃連殭蠶也防

風通聖散詳在傷寒門

青州白丸子

青州白丸中風痰喎斜癱瘓湧痰涎小兒驚痰為妙藥白附烏

星半夏丸

註

中風痰謂不論經絡藏府風邪中表有痰飲之人也湧痰

涎謂痰涎湧盛也是方生白附子生川烏生南星生半夏

法製為丸也

羌活愈風湯

羌活愈風治外中手足無力語出難肌肉微掣不仁用大秦芎

湯參再添官桂黃耆杜防已知枳柴荷蔓菊前蒼藤半朴杞地

骨調理諸風症可安

註

治外中謂風從外中之病也此病之來必有先兆如手足

無力語言蹇澁時有肌肉微動牽掣大指次指麻木不用

皆風邪外中之先兆也宜用此湯大蓼九湯參再添謂大
秦芄湯方中再添人參官桂黃耆杜仲防已知母枳殼柴
胡薄荷蔓荊子菊花前胡蒼朮麻黃半夏厚朴枸杞地骨
皮也調理諸風更可堪謂凡中風內邪將除外邪漸盡更
服此藥調理以行導諸經久則大風悉去清濁目分榮衛
自和矣

清熱化痰湯

清熱化痰治內發神短忽忽語失常頭眩脚軟六君麥連芩葛
枳竹星香

註
治內發謂痰火內發之病也此病之來必有先兆如神短

忽忽言語失常上盛下虛頭眩脚軟皆痰火內發之光兆也宜用此湯即人參白朮茯苓甘草橘紅半夏麥冬黃芩黃連石菖蒲枳實竹茹南星木香也

地黃飲子

四肢不收無痛痺偏枯身偏不用疼其言不變志不亂邪在分腠五物能甚不能言為瘖痺奪厥入藏病多凶地黃桂附苓巴遠萸斛冬味薄菖苓

註

風痺偏枯瘖痺三病皆屬外中而有微甚淺深之別也風痺謂四肢不收身無痛處偏枯謂半身不遂身有痛處其言不變志不亂乃邪微淺病在分腠榮衛之間以黃耆五

物湯能補榮衛而散風邪也甚若不能言志亂神昏則爲
瘖痺乃腎虛內奪少陰不至而厥其邪已入於藏故曰病
多凶也地黃飲子是治腎虛內奪之方是方熟地肉桂附
子肉蓯蓉巴戟遠志山萸石斛麥冬五味子薄荷石菖蒲
茯苓也

滌痰湯

滌痰內發迷心竅舌強難言參蒲星溫膽熱盛苓連入神昏使
閉滾痰攻

註

內發謂痰火內發迷人心竅令人精神恍惚舌強難言也
滌痰湯卽人參菖蒲南星合溫膽湯也溫膽湯橘紅半夏

茯苓甘草竹茹枳實也熱盛加黃芩黃連大小二便閉用礞石滾痰丸攻之可也

類中風總括

類中類乎中風證尸厥中虛氣食寒火濕暑惡皆昏厥辨在噤斜偏廢間

註

類中風證皆名尸厥謂形厥而氣不厥也故口鼻無氣牀類死尸而脈自動也中虛中氣中食中寒中火中濕中暑中惡等證雖忽然昏倒人事不省類乎真中風病但不見口眼喎斜偏廢不仁不用等證自可辨也

獨參湯

參附湯

星香湯

三物備急丹

奪命散

尸厥無氣而脈動或脈微細有無間緣干病後氣血竭人虛參
附星香痰氣閉腹滿二便閉或腹急痛備急丹服後轉鳴吐下
驗喉間痰結奪命先

註

尸厥之證有虛有實虛者以獨參湯虛兼寒者以參附湯
虛兼痰者以星香飲加入參湯實者氣閉似死脈動有力

腹滿脹二便閉或腹急痛氣閉前後不通者以備急丹實
兼痰者以奪命散

補中益氣湯

生脈補精湯

補中益氣療虛中煩勞過度氣不升虛冒有痰加苓半慾冒生
麥地歸茸

註

補中益氣湯治虛中之證卽李杲所云內傷氣虛之人煩

勞過度清氣不升忽然昏冒也慾冒謂因房勞過度昏冒
也生脈飲卽人參麥冬五味子合熟地當歸鹿茸名曰生

脈補精也

木香調氣飲

木香調氣實氣中暴怒氣逆噤昏痰風浮肢溫氣沉冷木藿砂
蔻草丁檀

註

實氣中謂形氣俱實之人中氣也因暴怒氣逆忽然昏倒
噤急也風浮肢溫氣沉冷謂中風之人脈浮手足溫中氣
之人脈沉手足冷可別也是方木香藿香砂仁白蔻甘草
丁香檀香也

八味順氣散

八味順氣虛氣中標平兼施邪正安參苓朮草扶元氣烏芷青

陳利氣痰

註 虛氣中謂形氣俱虛之人中氣也宜用此標本兼施邪正相安之劑也

瓜蒂散

薑鹽湯

食中過飽感寒風或因怒懨塞胸中忽然昏厥肢不舉瓜蒂薑

鹽探吐平

註 瓜蒂散挾痰者用之薑湯挾寒者用之鹽湯過食者用之

探吐謂作此湯數鍾令病者飲一鍾隨用指探吐不吐再飲再探以吐通快為度可立愈也

附子理中湯

附子理中療寒中腹痛拘急噤牙關有汗身寒或吐瀉附子參
朮薑乾無汗身寒加麻細陰毒川烏用生煎嘔吐丁香吳萸
人脈微欲絕倍參添

註

寒中之證卽腹痛諸證者是也宜用附子理中湯若無汗
加麻黃細辛陰毒加生川烏嘔吐加丁香吳萸萸微欲
絕倍加人參陰毒寒極也詳在傷寒心法

涼膈散

涼膈火中神昏目梘翹芩薄荷消黃兼治一切胸膈熱便燥譫
妄與斑狂

註

火中之證卽劉完素所云七情過極五志之火內發則合

人昏倒無知筋骨不用也

香薷飲

藿香正氣散

辰砂益元散

熨臍法

蒼朮白虎湯

人參白虎湯

暑中須分陰與陽陰邪無汗似寒傷壯熱心煩或嘔瀉香薷扁
朴二香湯更兼昏憤蒸蒸汗面垢喘渴證爲陽不省熨臍灌蒜
水益元蒼參白虎湯

註

陰邪無汗似寒傷謂暑中陰邪似傷寒頭痛身痛惡寒無汗而更壯熱心煩或嘔或瀉也得之於受暑納涼寒外暑內宜香薷飲二香湯謂香薷飲合藿香正氣飲詳在霍亂門若有如上之證更兼精神昏憤蒸蒸自汗面垢喘渴則爲暑中陽邪得之於赤日長途中外皆熱初中昏憤不省者急以熱物熨臍蒜汁合水灌之卽省繼以辰砂益元散氣實者蒼朮白虎湯氣虛者人參白虎湯選用之可也

滲濕湯

滲濕濕中內昏冒震亨濕熱熱生痰厚味醇酒生冷水胃苓香

附撫砂連

註 濕中內謂濕從內生之病即朱震亨所云濕熱生痰昏冒之證得之於傷厚味醇酒生冷物過節也滲濕湯即胃苓湯加香附撫芎砂仁黃連

除濕湯

除濕陰雨濕蒸霧臥濕涉水瘴山嵐頭身重痛便溏腫羗藁升

柴防水煎

註

除濕湯即羗活藁木升麻柴胡防風蒼朮治濕因外中得

之於天陰淫雨晴後濕蒸早晨霧露及久臥濕地遠行涉

水瘴氣山嵐其證頭身重痛甚而昏冒大便溏瀉皮膚浮

腫也

調氣平胃散

調氣平胃療惡中廟塚忤惡卒然昏面黑錯忘蘇合主
次以木香平胃勻

註

蘇合主謂中惡之病以蘇合香丸為主也次以木香平胃
勻謂以中氣木香調氣散之方合平胃散之藥調理也

傷風總之

傷風屬肺咳聲重鼻塞噴嚏涕流清鼻淵腦熱不噴嚏濁涕穢
久必鼻紅

註傷風屬肺故噴嚏也鼻淵屬腦故不噴嚏也傷風寒邪故

涕清也鼻淵熱邪故涕濁也鼻淵病久或有穢氣則熱深
故腦衄鼻血也

川芎茶調散

參蘇飲治虛傷風實者茶調及頭疼芎芷薄荷草薺茶細荆防痰

半熱膏清

註 參蘇飲方在咳嗽門治氣虛之人傷風之病若氣實者用

川芎茶調散即川芎白芷薄荷甘草薺活茶葉細辛荆芥

防風傷風頭痛者亦可用也有痰者加半夏清痰有熱者

加石膏清熱可也

蒼耳散

蒼耳散治鼻淵病風熱入腦瞑頭疼涕流不止鼻塞熱蒼耳辛夷芷薄荷

註鼻淵病屬風熱入腦故目瞑而頭疼涕流不止較之傷風

爲甚焉鼻塞氣不利也熱鼻孔中熱也甚者孔熱而痛及其腦也蒼耳散即蒼耳子炒去刺研破一兩加辛夷三錢白芷薄荷各一錢葱三莖也

黃連防風通聖散

鼻淵初病施蒼耳黃連防風久病方孔痛膽調水礪散鼻血犀角地黃湯

註鼻淵風熱傷腦之病初病則風邪盛故用蒼耳散以散爲

主久病則熱鬱深故用防風通聖散加黃連以清為主也
熱氣湧涕傷其鼻孔成瘡故痛也宜以猪膽汁調水礪散
敷之熱蘊于腦傷及所過營血故衄也宜以犀角地黃湯
涼之可也

瘧病總括

瘧病頭強背反張有汗爲柔無汗剛生產血多過汗後潰瘡大
咬破風傷

註

瘧病之證詳在傷寒心法有汗爲柔瘧無汗爲剛瘧產後
去血過多傷寒發汗過多則爲內因潰瘍破傷狗咬則爲

外因皆風邪乘虛入太陽經而成此病也

瘖病死證

瘖證脈散多應死反張離席一掌亾眼小目瞪昏不語額汗如珠命必傷

註

反張離席一掌謂離席四五指許也眼小謂目睫緊小也目瞪謂眼珠不轉也

葛根湯

桂枝加葛根湯

小續命湯

桂枝加附子湯

當歸補血湯

大承氣湯

桃仁承氣湯

剛瘧葛根湯發汗柔瘧桂枝加葛良若兼雜因小續命過汗桂枝加附湯傷血桂枝合補血裏實瘀血承氣方潰瘍十全加風藥破傷狗咬另參詳

註

剛瘧用葛根湯即桂枝湯加麻黃葛根柔瘧用桂枝加葛根湯即桂枝湯加葛根汗之雜因謂風寒濕雜揉為病用小續命湯隨風寒濕輕重治之過汗表虛汗出不止因而

成瘕用桂枝加附子湯卽桂枝湯加附子也傷血謂產後
金瘡大傷血後用桂枝湯合補血湯卽當歸黃耆也裏實
謂瘕病腹滿二便閉以大承氣湯及產後惡露不盡少腹
鞭急以桃仁承氣湯下之潰瘍去膿血過多爲風所襲者
用十全大補湯加祛風之藥治之

破傷風

破傷亡血筋失養微傷風入火之端燥起白痂瘡不腫濕流汚

水繫牙關

註

破傷去血過多筋失所養經絡空虛風邪乘之爲病卽經
曰風邪乘虛而入也爲風虛邪宜桂枝湯合當歸補血湯

治之夫傷重出血過多而病風者常也然時有微傷淺損去血甚少風邪乘之而病者以其人素熱因風而然卽劉完素曰熱甚風搏併於經絡也爲風火邪宜防風通聖散加蠍尾治之凡此症不論虛實風毒內蘊不發於外瘡口周圍燥起白痴瘡不甚腫濕流汚黑之水牙關微緊不似尋常活動皆破傷風之先兆也

防風通聖散加蠍尾方

全蠍散

左龍丸

斑蝥大黃方

火盛通聖加蠍尾風盛全蠍左龍丸外因燒酒火礮法犬風
大酒同煎

註

破傷火盛者多陽明症用防風通聖散加蠍尾治之風盛
者多太陽症用全蠍散即生蠍尾七枚研末熱酒服之服
後不解漸深入裏用左龍丸即野鴿糞江鱧蠶雄黃蜈
蚣天麻硃砂巴豆霜爲丸也方詳在丹溪心法諸破傷風
門內皆空外用砂燒酒壺兩箇盛多半壺燒酒先以一壺
上火令滾無聲傾酒即按在破傷瘡口拔出汚黑血水滿
則自落再以次壺仍按瘡口輪流提按以盡爲度其風立
愈犬咬風毒入腹成瘧風者用斑蝥七枚以糯米拌炒米

黃去米爲末生大黃末一錢合勻黃酒一盞煎至半盞空
心溫服取下毒物弱者減半服之可也

痺病總括

三痺之因風寒濕五痺筋骨脈肌皮風勝行痺寒痺痛濕勝著
痺重難支皮麻肌木脈色變筋攣骨重遇邪時復感於邪入藏
府周同脈痺不相移

註

三痺之因風寒濕三氣雜合而爲病也其風邪勝者其痛
流走故曰行痺寒邪勝者其痛甚苦故曰痛痺濕邪勝者
其痛重著故曰著痺此爲病之因而得名曰三痺也又有

曰五痺者謂皮脈肌筋骨之痺也以秋時遇此邪爲皮痺則皮雖麻尚微覺痛癢也以夏時遇此邪爲脈痺則脈中血不流行而色變也以長夏時遇此邪爲肌痺則肌頑木不知痛癢也以春時遇此邪爲筋痺則筋攣節痛屈而不能伸也以冬時遇此邪爲骨痺則骨重痠疼不能舉也曰入藏府者謂內舍五藏之痺也以皮痺不已復感於邪內舍於肺成肺痺也脈痺不已復感於邪內舍於心成心痺也肌痺不已復感於邪內舍於脾成脾痺也筋痺不已復感於邪內舍於肝成肝痺也骨痺不已復感於邪內舍於腎成腎痺也此皆以病遇邪之時及受病之處而得名曰五

痺也所謂邪者重感於風寒濕之氣也周痺亦在血脈之中隨脈上下為病故同脈痺但患有定處不似脈痺左右相移也近世曰痛風曰流火曰歷節風皆行痺之俗名也

周痺

周痺患定無歇止左右不移上下行似風偏廢隻足手口眼無斜有痛疼

註

周痺或痛或腫或手或足患有定處痛無歇止或從上病及于下或從下病及於上而不似衆痺痛有歇止左右相移流走也周痺或兩手或兩足或隻手足或偏廢不仁不用而似中風但不口眼喎斜身有痛疼也

痺病生死證

痺在筋骨痛難已留連皮脈易爲功痺久入藏中虛死藏實不受復還生

註

痺在筋骨則受邪深故痛久難已痺在皮脈則受邪淺故易治也凡痺病日久內傳所合之藏則爲五藏之痺若其人中虛受邪則難治多死其人藏實而不受邪復還於外則易治多生假如久病皮痺復感于邪當內傳肺而爲肺痺若無胸滿而煩喘咳之證則是藏實不受邪餘藏倣此

痺入藏府證

肺痺煩滿喘咳嗽腎脹尻踵脊代頭脾嘔痞鞅肢懈愴心煩悸

噫恐時休數飲臥驚肝太息飲秘脹瀉在腸究胞秘沃痛鼻清涕三焦胃附膽無憂

註

久病皮痺復感於邪見胸滿而煩喘咳之證是邪內傳於肺則為肺痺也久病骨痺復感於邪而見腹脹尻以代踵足攣不伸脊以代頭偃僂不直之證是邪內傳於腎則為腎痺也久病肌痺復感於邪而見嘔涎心下痞鞭四肢懈墮之證是邪內傳於脾則為脾痺也久病脈痺復感於邪而見心煩心悸嗌乾噫氣有時則恐之證是邪內傳于心則為心痺也久病筋痺復感於邪而見喜飲小便數多夜臥則驚太息之證是邪內傳於肝則為肝痺也久痺不已

復感於邪藏實不受而傳府者凡見喜飲小便秘不脹則瀉不瀉則脹之證是邪內傳於大小腸則爲腸痺也凡見少腹胞中按如沃湯狀而痛小便秘澁鼻流清涕之證是邪內傳於膀胱則爲胞痺也三焦之痺附於膀胱從水道也胃痺附於大小二腸從傳化也膽爲清淨之府不受痺邪故曰無憂也

小續命湯

增味五痺湯

痺虛加減小續命痺實增味五痺湯麻桂紅花芷葛附虎羊耆

草二防羌

註
痺虛謂氣虛之人病諸痺也宜用加減小續命湯風勝行
痺倍防風寒勝痛痺倍附子濕勝著痺倍防已皮痺加黃
耆或桂枝皮脈痺加薑黃或加紅花肌痺加葛根或加白
芷筋痺加羚羊角或加續斷骨痺加虎骨或加狗脊有汗
減麻黃便溏減防已寒勝減黃芩加乾薑熱勝減附子加
石膏加減治之痺實謂氣血實之人病諸痺也宜用增味
五痺湯卽麻黃桂枝紅花白芷葛根附子虎骨羚羊角黃
耆甘草防風防已羌活也行痺以羌活防風爲主痛痺以
麻黃附子爲主著痺以防已羌活爲主皮痺以黃耆桂枝
皮爲主脈痺以紅花桂枝爲主肌痺以葛根白芷爲主筋

痺以羚羊角爲主骨痺以虎骨爲王增味於五痺治之可也

木通湯

附子五苓散

蒼朮五苓散

三痺木通長流木濕加防已風羌防寒痺附麻分汗入胞腸五苓附子蒼

註

三痺謂行痺痛痺著痺也宜用木通一味不見水者二兩以長流水二碗煎一碗熱服取微汗不愈再服以愈爲度若其痛上下左右流走相移者加羌活防風以祛風邪其

行身醫宗全錄卷三十一
痛苦甚者有汗加附子無汗加麻黃以去寒邪其痛重著
難移者加防己以勝濕邪其所應加之藥不可過三錢弱
者俱減半服胞痺宜用五苓散加附子腸痺宜五苓散加
倉朮以利寒飲也五苓散方在傷寒門

三痺湯

獨活寄生湯

三痺十全無白朮牛秦續杜細獨防獨活加桑除蒼續入藏乘
虛久痺方

註

三痺謂三痺湯卽十全大補湯無白朮加牛膝秦艽續斷
杜仲細辛獨活防風也獨活謂獨活寄生湯依三痺湯方

加桑寄生除去黃耆續斷也此皆治五痺不已乘虛入藏
反留連日久調理痺病之方也

黃耆益氣湯

黃耆益氣虛皮痺皮麻不知癢與疼補中益氣加紅蘗味秋
夏桂加冬

註

氣實麻木用小續命湯加麻黃治之氣虛麻木用黃耆益
氣湯卽補中益氣湯加紅花黃蘗也秋加五味子夏加黃

芩冬加桂枝皮

蠲痺湯

加味升陽散火湯

蠲痺冷痺身寒厥附歸耆草桂羌防肌熱如火名熱痺羚羊升陽散火湯

註 蠲痺湯即附子當歸黃耆炙草官桂羌活防風治痺病而

身寒無熱四肢厥冷名曰冷痺也加味升陽散火湯即內

傷門升陽散火湯加羚羊角犀角治痺病而肌熱如火名

曰熱痺也

痿病總括

五痿皆因肺熱生陽明無病不能成肺熱葉焦皮毛痺發為痿
臂不能行心熱脈痿脛節縱腎骨腰脊不能與肝筋拘攣失所
養脾肉不仁燥渴頻

註

五痿心肝脾肺腎之痿也痿屬燥病故皆因肺熱而生也
陽明者五藏六府之海王潤宗筋陽明無病則宗筋潤能
束骨而利機關誰有肺熱不能成痿也肺熱葉焦陽明虛
弱津液不化筋骨失養皮毛瘁痿發爲痿躄不能行也因
而心氣熱爲脈痿則脛節縱而不任地肺兼心病也因而
腎氣熱爲骨痿則腰脊不能興舉肺兼腎病也因而肝氣
熱爲筋痿則筋失所養拘攣不伸肺兼肝病也因而脾氣
熱爲肉痿則胃燥而渴肌肉不仁肺兼脾病也

痿痺辨似

痿病足分痺病身仍在不疼痛裏分但觀治痿無風藥始曉虛

實別有因

註痿痺之證今人多為一病以其相類也然痿病兩足痿軟不痛痺病通身肢節疼痛但觀古人治痿皆下用風藥則可知痿多虛痺多實而所因有別也

痿病治法

痿燥因何治濕熱遵經獨取治陽明陽明無故惟病肺胃壯能食審證攻控涎小胃濕痰熱陽明積熱法三承胃弱食少先養胃久虛按證始收功

註

痿屬燥病因何而用治濕熱苦燥之藥蓋遵內經之治法獨取於陽明胃也故胃家無病雖有肺熱惟病肺而不病

痿也是知病痿者胃家必有故也或濕熱或積熱或濕痿
不論新久若胃壯能食當先審證攻之胃有濕痰用控涎
丹攻之有濕熱者用小胃丹攻之有積熱者用三承氣湯
攻之此治胃壯能食之法也若胃弱飲食減少氣血津液
不足當先以補養脾胃為主其有久病留連諸虛燥熱或
攻下之後調理當審證治之始收全功也

加味二妙湯

加味二妙濕熱痿兩足痿軟熱難當防已當歸川芎薏苡黃蘗龜
板膝秦蒼

註
熱難當謂兩足熱難當也膝秦蒼謂牛膝秦艽蒼朮也

清燥湯

虎潛丸

十全大補湯

加味金剛丸

時令濕熱清燥効陰虛濕熱虎潛靈久虛痿軟全金主草瓜牛

菟杜菴蓉

註

清燥湯在內傷門虎潛丸有成方全金主謂十全大補湯

加味金剛丸久病氣血虛以十全大補湯為主筋骨痿軟

以加味金剛丸為主加味金剛丸即草薺木瓜牛膝菟絲

子杜仲肉菴蓉也

脚氣總括

脚氣風寒濕熱病往來寒熱狀傷寒腿脚痛腫熱爲火不腫不熱是寒乾

註

脚氣乃內有濕熱外感風寒相合爲病故往來寒熱狀類傷寒兩脚腿痛腫熱如火者是火盛也不腫不熱而痛者是寒盛也名曰乾脚氣

脚氣死證

脚氣脈急少腹頑不三五日入心間嘔吐喘滿目額黑恍惚譫妄命難全

註

脚氣脈急少腹頑木不知痛癢不過三五日內其邪必入

心間若入心間嘔吐喘滿是爲脚氣衝心之證目額皆黑
恍惚譏妄則是水來尅火之徵故曰命難全也

攢風散

羌活導滯湯

勝濕餅子

五積散

獨活寄生湯

脚氣表解攢風散麻桂杏草草烏良裏解導滯羌獨活防已當
歸枳大黃濕盛重腫勝濕餅二丑蕎麩遂成方寒濕五積加附
子寒虛獨活寄生湯

註

初病脚氣表實無汗用攢風散汗之卽麻黃桂枝杏仁甘草草薺炮川烏也裏實熱盛二便不利用羌活導滯湯下之卽羌活獨活防己當歸枳實大黃也濕盛重腫用勝濕餅子卽黑丑白丑頭末甘遂末各五錢蕎麥麩一兩五錢水和作餅三錢煮熟空心茶清服逐之寒濕者用五積散加附子治之方在傷寒門寒虛者用獨活寄生湯補之方在痺門

當歸拈痛湯

當歸拈痛虛濕熱茵陳四苓與羌防人參當歸升芩草苦參知

母葛根蒼

註 濕熱脚氣而形氣虛者宜用當歸拈痛湯即茵陳白朮茯苓豬苓澤瀉羌活防己人參當歸升麻黃芩甘草苦參知母葛根蒼朮也

加味蒼朮散

加味蒼朮實濕熱二活二朮生地黃知朮芍歸牛膝草木通防己木瓜榔

註

濕熱脚氣而形質實者宜用加味蒼朮散即羌活獨活蒼朮白朮生地黃知母黃朮赤芍當歸牛膝甘草木通防己木瓜檳榔也

大防風湯


兩膝腫大而疼痛體脛枯細鶴膝風大防風附羌牛杜十全大
補減茯苓

註

兩膝腫大疼痛膝上至髀膝下脛足枯細但存皮骨兩膝
狀若鶴膝故名鶴膝風也宜大防風湯卽防風附子羌活
牛膝杜仲人參白朮炙草當歸川芎白芍熟地炙蒼肉桂
也此病若得之於痢疾病後者名曰痢風亦用此方

行集醫公金卷三十一

三



麻脚氣大烈風回平十念大

御纂醫宗金鑑卷四十

編輯雜病心法要訣目錄

內傷

虛勞

勞瘵

自汗盜汗

失血

消渴

辨脈

大血

白濁

寒熱

虛實

內傷

蘇神錄心法要訣目錄

御製醫宗全錄卷四十一

御纂醫宗金鑑卷四十

編輯雜病心法要訣

內傷總括

內傷勞役傷脾氣飲食傷胃傷其形傷形失節溫涼過氣濕熱暑火寒中

註

勞役傷氣傷元氣也飲食傷形傷胃府也傷氣宜補有熱中濕熱暑熱火鬱寒中之不同傷形宜消有飲食失節過於溫涼之不一也

內傷外感辨似

內傷脈大見氣口外感脈大見人迎頭疼時痛與常痛惡寒溫

解烈火仍熱在肌肉從內泛熱在皮膚捫內輕自汗氣乏聲怯
弱雖汗氣壯語高聲手心熱兮手背熱鼻息氣短鼻促鳴不食
惡食內外辨初渴後渴少多明

註

內傷外感脈皆大內傷之脈氣口大於人迎不似外感之

脈人迎大於氣口也內傷外感皆頭痛但內傷之頭痛有

時而痛有時不痛不似外感之頭痛常常而痛不休也內

傷外感皆惡寒內傷之惡寒得就溫衣而即解不似外感

之惡寒雖近烈火而仍惡也內傷外感皆發熱內傷之發熱

熱在肌肉以手捫之熱從內泛不似外感之發熱熱在皮

膚以手捫之熱自內輕也內傷外感皆自汗內傷之自汗氣

短乏聲怯弱不似外感之自汗氣壯促語聲高也內傷外感手皆熱內傷之熱手心熱不似外感之熱手背熱也內傷外感皆鼻不和內傷之鼻息氣短而喘不似外感之鼻息氣促而鳴也內傷外感皆不食內傷之不食口中無味不似外感之不食聞食則惡也內傷外感皆渴內傷之渴初病卽渴其飲甚少不似外感之渴三日後始渴其飲甚多也

補中益氣湯

補中益氣升陽清熱傷氣陷大虛洪頭痛表熱自汗出心煩口渴畏寒風困倦懶言無氣動動則氣高喘促聲保元甘溫除大熱血歸氣木補脾經佐橘降濁散滯氣升柴從胃引陽升陰火

腎躁加地藥陽熱心煩安神寧

註

補中益氣湯治內傷清陽下陷因勞役過度熱傷元氣故
脈虛大而洪也內傷頭痛時作時止也內傷表熱嘗自汗
出也心煩氣虛惡煩勞也口渴氣陷不蒸化也畏寒畏風
表氣虛失衛也困倦懶言中氣乏不周也動則氣喘上氣
不足息也保元謂人參黃耆甘草名保元湯也臣當歸和
脾血白朮益脾氣佐橘皮降濁散胸中滯氣升柴升清從
胃中引陽也陰火時顯躁熱加黃蘗生地補水救陰陽熱
晝夜心煩合硃砂安神丸瀉火安神

調中益氣湯

調中弦洪緩沉澁濕熱體倦骨痠疼氣少心煩忽肥瘦口沫食
出耳鳴聾胸膈不快食無味二便失調飧血膿保元升柴蒼橘
蘖去蘖加木亦同名

註

調中益氣湯亦治內傷清氣下陷濁氣上乘清濁相干而
兼濕熱者故二便不調飧瀉膿血也此湯與補中益氣湯
雖互相發明然其證脈則不可不分別也內傷之病脾胃
元氣一虛四藏失其調和所以五臟之脈交相混見故肝
弦心洪脾緩之脈反見於上按之沉澁肺脈而反見於下
也身肢重倦氣不周也骨節痠疼血不榮也氣少中氣乏
也心煩心血少也忽肥忽瘦者火乘土位上併陽分則血

脈上行而上盛故面赤紅而肥下併陰分則血脈下行而
 上虛故面青白而瘦即今之虛損病人早則面青白瘦而
 惡寒午後則面紅赤肥而發熱者是也口沫謂口中沃沫
 脾不散精也食出謂食入反出胃虛不納也耳鳴聾謂耳
 鳴耳聾陰火上衝也胸膈不快濁氣滯也飲食無味胃氣
 傷也二便不調謂大便時瀉不瀉小便時利不利脾濕不
 分也殮謂完穀不化之殮瀉脾虛濕不化也血膿謂大便
 後或見膿見血脾濕熱釀成也保元謂保元湯即人參黃
 芪炙草升麻柴胡蒼朮橘皮黃蘗也去黃蘗加木香亦名
 調中益氣湯以熱少氣不和者宜之也

升陽益胃湯

內傷升陽益胃湯濕多熱少抑清陽倦怠懶食身重痛口苦舌乾便不常灑灑惡寒屬肺病慘慘不樂乃陽傷六君白芍連澤瀉羌獨黃芪柴與防

註

內傷氣虛濕多熱少遏抑春生清氣不得上升脾胃之證宜服此湯其證倦怠懶食身重而痛口苦舌乾便不常謂大便不調小便頻數不如常也灑灑惡寒衛氣不足屬肺皮毛之病也慘慘不樂面色不和乃陽氣傷而不伸也六君謂人參白朮茯苓炙草橘皮半夏也加白芍黃連澤瀉瀉黃芪羌活獨活柴胡防風卽是升陽益胃湯也

補脾胃瀉陰火升陽湯

補中升陽瀉陰火火多濕少因脾陽雖同升陽益胃證然無瀉
數肺陽傷補脾胃氣參耆草升陽柴胡升與羌活膏芩連瀉陰
火長夏濕令故加蒼

註

內傷氣虛熱多濕少陰火困脾陽氣不得上升脾胃之證
宜服此方此方所治雖同升陽益胃之證然無大便不調
小便頻數灑灑惡寒肺病慘慘不樂陽傷之證也

內傷補中調中益胃等湯加減法

冬加薑桂草蔻益秋芍白蔻縮欖榔夏月氣衝芩連麩春加風
藥鼓清陽長夏沉困精神少人參麥味澤芩蒼肺熱咳嗽減參

去春加金沸款冬芳夏加麥冬五味子秋冬連根節麻黃頭痛
蔓荊甚芎入巔腦藁本苦細嚼沉重懶倦或嘔逆痰厥頭疼半
夏薑口乾噎乾或表熱加葛生津清胃陽大便燥瀉元明粉血
燥歸桃熟大黃痞脹香砂連枳朴寒減黃連加炒薑胃痛草薤
寒益智氣滯青皮白蔻香腹痛芍草苓桂密臍下痛桂熟地黃
內外煩疼歸和血脇下痛急草柴良身重脚軟已蒼蘖身疼發
熱藁防羌

註

冬加乾薑官桂草豆蔻益智助陽氣也秋加白芍白豆蔻
縮砂仁檳榔助燥收也夏月加黃連黃芩黃蘖降陰火也
或腹中氣上衝逆屬陰火衝上雖非夏月亦加之春加風

藥謂羌活獨活防風藁本之類佐參耆之品能鼓清陽之

氣上升也長夏身肢沉困精神短少加入參麥冬五味子

恐暑傷氣也加澤瀉茯苓蒼朮去脾濕也肺中有熱咳嗽

減人參遠肺熱也春加金沸草欬冬花散肺風也夏加麥

冬五味子保肺氣也冬加連根節麻黃散肺寒也頭痛加

蔓荊子引太陽也痛甚加川芎上行捷也巔痛腦痛加藁

本八督脈也苦頭痛加細辛走少陰也痰厥頭痛沉重懶

倦或嘔逆痰涎加半夏生薑治痰逆也口乾隘乾或表發

熱加葛根生津解肌也大便秘澀加元明粉血虛燥加當

歸血實燥加桃仁熱實燥加大黃心下痞脹氣不快加水

香食不消加砂仁心下結熱加黃連心下結氣加枳實胃
氣壅塞加厚朴如胃中寒或冬月減去黃連加炒乾薑胃
痛加草豆蔻胃寒或唾沫加益智氣滿不快加白豆蔻青
皮腹痛加白芍甘草審其有熱加黃芩有寒加官桂臍下
痛加肉桂熟地黃腹內身外刺痛此屬血澁不足加當歸
以活血也脇下痛或急縮加甘草柴胡以和肝也身重脚
軟加防己蒼朮黃蘗去濕熱在內也身痛發熱加藁本防
風羌活疎風在表也

清暑益氣湯

清燥湯

長夏濕暑交相病暑多清暑益氣功汗熱煩渴倦少氣惡食尿
澁便溏行補中去柴加藜澤麥味蒼麩甘葛青濕多痿厥清燥
地豬茯柴連減葛青

註

長夏之令暑濕炎蒸交相爲病暑多濕少爲病其證則自
汗身熱心煩口渴倦困少氣惡食小便澁少大便稀溏宜
清暑益氣湯卽補中益氣湯去柴胡加黃蘗澤瀉麥冬五
味子蒼朮神麩甘葛青皮也若濕多暑少爲病則成痿厥
之證腰以下痿軟難於轉動行走不正兩足欹側宜清燥
湯卽本方更加生地豬苓茯苓柴胡黃連減去甘葛青皮
也

升陽散火湯

火鬱湯

血虛胃弱過食涼陽鬱於脾散火湯肌膚筋骨肢困熱捫之烙
手熱非常羌獨芍防升柴葛人參二草棗生薑火鬱加葱減參
獨惡寒沉數發之方

註

二草炙甘草生甘草惡寒謂身雖有如是烙手之熱而反
惡寒脈來沉數則可知火鬱肌裏宜以此方發之

白朮附子湯

加味理中湯

內傷水來侮土病寒濕白朮附子湯涎涕腹脹時多溺足軟無

力痛為殃腰背脚眼脊皆痛丸冷陰陰痛不常蒼附五苓陳半
朴虛宜理中附苓蒼

註東垣內傷熱中之病用補中益氣湯寒中之病用白朮附

子湯寒中為水來侮土寒濕之病其證內則腹脹多瀉涎

涕外則足軟胛脊腰背羸丸痛脾胃寒濕而氣不虛者宜

用是方即五苓散加蒼朮附子陳皮半夏厚朴也若脾胃

寒濕而氣虛者則宜用理中湯加附子茯苓蒼朮是也

血人參資生丸

資生脾胃俱虛病不寒不熱平補方食少難消倒飽脹面黃肌

瘦倦難當

註
繆仲醇製資生丸方爲脾胃俱虛不寒不熱平補之藥其所治之證乃飲食減少過時不化倒飽脹悶面色痿黃肌肉漸瘦困倦無力也方見諸書故不錄藥味

清胃理脾湯

清胃理脾治濕熱傷食平胃酌三黃大便黏穢小便赤飲食愛冷口舌瘡

註

清胃理脾湯卽平胃散加黃連黃芩大黃也酌三黃者謂有熱滯而不實者不可入大黃也傷食謂傷食病證如痞脹噦嘔不食吞酸惡心噫氣之類更兼大便黏臭小便赤澁飲食愛冷口舌生瘡皆傷醇酒厚味濕熱爲病之證也

理中湯

理中治虛寒濕傷食少喜熱面青黃腹痛腸鳴吐冷沫大便腥

穢似鴨溏

註白木附子湯治脾胃寒濕形氣實者也理中湯治脾胃寒

濕形氣虛者也虛者其證食少喜食熱物面色青黃腹痛

腸鳴吐冷涎沫大便腥穢不臭似鴨糞澄澈清溏也故宜

此湯

消食健脾丸

胃強脾弱脾胃病能食不化用消食平胃炒鹽胡椒共麥蘖查

麩白茯苓

註
脾胃病中有胃強脾弱一證胃強所以能食脾弱不能消
化宜服消食健脾湯丸助其消化用蒼朮陳皮厚朴甘草
炒鹽胡椒山查神麩麥芽白茯苓末蜜丸服之更節其飲
食自然脾胃和而能健運矣

開胃進食湯

開胃進食治不食少食難化胃脾虛丁木藿香蓮子朴六君砂
麥與神麩

註
此方治不思飲食少食不能消化脾胃兩虛之證方即六
君子湯加丁香木香藿香蓮子厚朴縮砂麥芽神麩也

平胃散

一切傷食脾胃病痞脹噦嘔不能食吞酸惡心並噫氣平胃蒼
朴草陳皮快膈枳木痰苓半傷穀二芽縮神麩肉滯山查麩萊
蕨滯熱苓連蘖大空

註傷食等證宜用平胃散卽蒼朮厚朴甘草陳皮也快膈加

枳實白朮有痰加半夏茯苓傷穀滯者加麥芽穀芽縮砂
神麩傷肉滯者加山查傷麩滯者加萊蕨有熱者加黃芩
黃連黃蘖大黃酌而用之

葛花解醒湯

葛花解醒發酒汗懶食熱倦嘔頭疼參葛四苓白蔻縮神麩乾
薑陳木青

註傷酒宜用葛花解醒湯汗之汗出立愈其證頭痛懶食嘔吐身熱倦怠而煩似乎外感而實非外感皆因酒所致也方卽人參葛花白朮茯苓猪苓澤瀉白朮縮砂神麴乾薑陳皮木香青皮

秘方化滯丸

秘方化滯寒熱滯一切氣積痛攻方巴豆醋製稜莪朮青陳連半木丁香

註

秘方化滯丸治不論寒熱一切氣滯積痛攻下之妙藥也卽巴豆三稜莪朮青皮陳皮黃連半夏木香丁香也此方出丹溪心法附餘書中屢試屢驗按證隨引量其老少虛

實增損進退以意用之久久自得其效

虛勞總括

虛損成勞因復感陽虛外寒損肺經陰虛內熱從腎損飲食勞
倦自脾成肺損皮毛灑寒嗽心損血少月經凝脾損食少肌消
瀉肝損脇痛懶於行腎損骨痿難久立午熱夜汗骨蒸蒸從下
皮聚毛落死從上骨痿不起終恐懼不解則傷精怵惕思慮則
傷神喜樂無極則傷魄悲哀動中則傷魂憂愁不已則傷意盛
怒不止則傷志勞倦過度則傷氣氣血骨肉筋精極

註
虛者陰陽氣血榮衛精神骨髓津液不足是也損者外而

皮皴肉筋骨內而肺心脾肝腎消損是也成勞者謂虛損
日以雷連不愈而成五勞七傷六極也因復感者謂不足
之人陽虛復感外寒則損從皮毛肺始陰虛更生內熱則
損從骨髓腎始內傷飲食勞倦則損從肌肉脾始此虛損
成勞之因然其證有五一損皮聚毛落灑淅惡寒咳嗽肺
勞也二損血皴虛少男子面無血色女子月經不通心勞
也三損飲食減少肌肉消瘦大便溏瀉脾勞也四損兩脇
引胸而痛筋緩不能行肝勞也五損骨痠不能久立午後
發熱盜汗骨蒸腎勞也從下腎藏損起者損至皮聚毛落
則死也從上肺藏損起者損至骨痠不能起於床則終也

從脾藏損起者或至皮聚毛落或至骨痠不起皆死也虛損爲七傷之證一恐懼不解則傷精精傷則骨痠痿厥精時自下蓋五藏主藏精者也不可傷傷則失守而陰虛虛則無氣無氣則死矣一怵惕思慮則傷神神傷則恐懼自失破胸脫肉毛悴色夭死於冬也一喜樂無極則傷魄魄傷則狂狂則意不存人皮革焦毛悴色夭死於夏也一悲哀動中則傷魂魂傷則狂妄不精不精則不正陰縮而攣筋兩脇骨不舉毛悴色夭死於秋也一憂愁不已則傷意意傷則愧亂四肢不舉毛悴色夭死於春也一盛怒不止則傷志志傷則喜忘其前言腰脊不可以俯仰屈伸毛

悴色天死於季夏也一勞倦過度則傷氣氣傷則火愈壯
壯火則食氣故無氣以動喘乏汗出內外皆越則氣日耗
氣日耗則死矣虛損爲六極之證一數轉筋十指爪甲痛
筋極也一牙齒動手足痛不能久立骨極也一面無血色
頭髮墜落血極也一身上往往如鼠走削瘦乾黑肉極也
一氣少無力身無膏澤翁翁羸瘦眼無精光立不能定身
體苦痒搔之生瘡精極也一胸脇逆滿恒欲大怒氣少不
能言氣極也

按

前人分七傷之證似多不經依內經改之庶後學易明也

虛勞死證

陰勞細數形盡死陽勞微革氣脫終枯白顴紅一側臥噉啞咽
痛咯星紅五藏無胃爲真藏形肉雖存不久停一息二至名曰
損一息一至行尸名大骨枯槁大肉陷動作益衰精髓空真藏
未見一歲死若見真藏尅期凶喘滿動形六月死一月內痛引
肩胸身熱破膈肉盡脫十日之內不能生真藏脈見目眶陷目
不見人頃刻頃若能見人神猶持至所不勝日時終

註

陰虛之勞脈細數則必形消著骨而後死者陰主形也陽
虛之勞脈微革則不待痿盡忽然而脫者陽主氣也五藏
之脈無和緩象爲無胃之真藏脈卽形肉雖存亦必不久
於人世也一息二至損病之脈也一息一至行尸之脈也

加桑皮貝母嗽而濕痰加茯苓半夏咳嗽咯血加阿膠骨蒸熱深加地骨皮也

拯陽理勞湯

陽虛氣弱用拯陽倦怠惡煩勞則張表熱自汗身痠痛減去升柴補中方更添桂味寒加附瀉八升柴訶蔻香夏咳減桂加麥味冬咳不減味乾薑

註

此湯卽人參黃耆炙草白朮陳皮肉桂當歸五味子也倦怠懶於動也惡煩勞動則氣張而喘乏也惡寒加附子瀉瀉仍八升麻柴胡更加訶子肉蔻木香也夏月咳嗽減肉桂加麥冬五味子冬月咳嗽不減肉桂更加五味子乾薑

行身醫藥全錄 卷之十一

也

六味地黃湯

都氣湯

七味地黃湯

生脈地黃湯

桂附地黃湯

知藥地黃湯

金匱腎氣湯

腎虛午熱形消瘦水泛為痰津液傷咳嗽盜汗失精血滿湯淋濁口咽瘡熱地藥萸丹苓澤加味勞嗽都氣湯引火歸元加肉

大骨顛肩股腰之大骨也大肉頭項四肢之大肉也枯槁者骨痿不能支也陷下者肉消陷成坑也動作精神漸衰真藏岬不見期一歲死若真藏岬見過所不勝之時日凶可期也若真藏岬不見有是證者喘滿勁形六月而死有是證者五藏內損痛引肩胸者一月而死有是證者肉盡之處皆枯燥破裂謂之破脰身熱不已十日內死真藏岬見目眶下陷視不見人頃刻而死若能見人則神尚未去至所不勝之日時而死也

虛勞治法

後天之治本血氣先天之治法陰陽腎肝心肺治在後脾損之

法同內傷

註 後天脾胃水穀生化榮衛故治法本乎氣血先天腎藏精

氣生化之原故治法本乎陰陽五藏虛損治法俱在於後而脾藏虛損治法已載內傷故曰同內傷也

拯陰理勞湯

陰虛火動用拯陰皮寒骨蒸咳嗽侵食少痰多煩少氣生脈歸芍地板貞薏苡橘丹連合草汗多不寐加棗仁燥痰桑貝濕蒼牛阿膠咳血骨熱深

註

此方即人參麥冬五味當歸白芍生地龜板女貞薏苡橘紅丹皮連子百合炙草也汗多不寐俱加棗仁咳而嗽痰

桂火妄刑金生鯀良桂附益火消陰翳知蘘壯水制陽光車牛
桂附名腎氣陽虛水腫淋濁方

註

午熱午後發熱也水泛爲痰謂日食飲食所化津液腎虛
不能攝水泛上爲痰也盜汗謂睡而汗出覺而卽止之汗
也失精遺精也消渴謂飲水而卽消渴仍不止也淋者尿
淋漓不利也濁者尿之前後有濁液也口咽生瘡虛火炎
也均宜六味地黃湯治之勞嗽加味謂加五味子名都氣
湯也引火歸原加肉桂名七味地黃湯火妄刑金加生鯀
飲名生鯀地黃湯也桂附謂加肉桂附子知蘘謂加知母
黃蘘車牛桂附謂加車前牛膝肉桂附子名桂附知蘘腎

氣等湯也

大補陰丸

滋陰降火湯

大補陰丸制壯火滋陰降火救傷金龜板知蕤地髓劑二冬歸
芍草砂仁欬加百味汗地骨血痰金貝虛者參虛熱無汗宜散
火有汗骨蒸亦補陰

註

陰虛火旺無水以制宜用大補陰丸滋水制火方即龜板

知母黃蘗生地為末豬脊髓煉蜜為丸若火旺無制妄行

傷金肺痿欬嗽宜用滋陰降火湯救其傷金方即大補陰

丸加麥冬天冬當歸白芍炙草縮砂欬甚加百合五味子

盜汗加地骨皮咯血加鬱金痰多加川貝母氣虛加人參
黃耆凡虛熱如火烙手無汗者爲火鬱宜升陽散火湯有
汗者爲骨蒸亦宜大補陰丸及滋陰六黃等湯也

保元湯

一切氣虛保元湯者外參內草中央加桂能生命門氣痘瘡灰
陷與清漿

註

保元湯即人參黃耆炙草也黃耆補表氣人參補裏氣炙
草補中氣加肉桂能生命門真氣且能治小兒痘瘡灰白

頂陷清漿

四君子湯

五味異功湯

六君子湯

七味白朮散

四獸飲

脾胃氣虛四君子
脈軟形衰面白黃
倦怠懶言食少氣
參苓朮草棗薑強
氣滯加陳異功散
有痰橘半六君湯
肌熱瀉渴藿木葛
虛瘡六君果梅薑

註

治氣虛兼氣滯不快
依四君加陳皮名五
味異功散治氣虛
虛兼有痰飲依四
君加橘紅半夏名六
君子湯治氣虛肌
熱渴瀉依本方加
藿香木香葛根名七
味白朮散治氣虛

久瘡留連不愈依六君子湯加草菓烏梅生薑名四獸飲

芎歸湯

開骨散

一切血病芎歸湯產後胎前必用方氣虛難產參倍八交骨難

開龜髮良

計芎歸湯郎川芎當歸又名佛手散氣虛產難或時久傷氣

依本方倍加人參臨產交骨難開依本方加整龜板一具

本人梳下亂髮一團他人梳下之髮亦可名開骨散

四物湯

聖愈湯

六物湯

加味四物湯

地骨皮飲

調肝養血宜四物歸芍芍地酌相應氣虛血少參耆補氣燥血
熱知藥清寒熱柴丹炒梔子但熱無寒丹骨平熱甚苓連寒桂
附止血茅蒲破桃紅

註 調肝養血宜四物湯即當歸川芎白芍熟地黃酌相應謂

補血用白芍熟地破血用赤芍涼血用生地氣虛血少宜

加參耆名聖愈湯氣燥血熱宜加知藥名六物湯血虛寒

熱往來宜加味四物湯即本方加柴胡丹皮炒梔子也血

虛惟發熱不惡寒宜地骨皮飲即本方加地骨皮牡丹皮也血分熱甚依本方加黃芩黃連寒甚加肉桂附子破血加桃仁紅花止血加茅根蒲黃炒黑

八珍湯

十全大補湯

人參養榮湯

一切氣血兩虛證八珍四物與四君氣之色枯毛髮落白汗盜汗悸忘臻發熱欬嗽吐血食少肌瘦泄瀉頻十全大補加者桂榮去芍加遠味陳

註
氣虛四君子湯血虛四物湯氣血兩虛八珍湯八珍者即

四君四物也若有氣乏色枯毛髮脫落自汗盜汗心悸健忘發熱欬嗽吐血衄血食少肌瘦泄瀉等證則宜十全大補湯即八珍湯加黃耆肉桂也人參養榮湯即十全大補湯減去川芎更加遠志五味子陳皮也

小建中湯

黃耆建中湯

當歸建中湯

雙和飲

虛勞腹痛小建中悸衄之血夢失精手足煩熱肢酸痛芍草飴桂棗薑同衛虛加耆黃耆建榮虛當歸建中名溫養氣血雙和

飲三方減飴加地芎

註

諸虛勞極裏急腹痛宜以小建中湯溫脾和胃並治裏虛
心悸衄下亡血夜夢失精手足煩熱四肢痠痛血液虧損
等證是方白芍藥甘草飴糖中桂大棗生薑也若徧氣虛
者加黃芪名曰黃芪建中湯若裏不急腹不痛有是證者
則當以溫養氣血用雙和飲卽此三方減去飴糖加入熟
地川芎乃八珍湯減入參白朮茯苓加黃耆中桂蓋以補
陰血爲主也

補肝湯

補肝湯治肝虛損筋緩不能自收持目暗眊眊無所見四物酸

棗草瓜宜

註 補肝湯即當歸川芎白芍熟地酸棗仁炙草木瓜也

加味救肺飲

加味救肺治肺損嗽血金家被火刑歸芍麥味參耆草百花生

菘馬兜鈴

註 加味救肺飲即當歸白芍麥冬五味子人參黃耆炙草百

合款冬花紫菀馬兜鈴也

天王補心丹

天王補心心虛損健忘神虛煩不眠栢子味蒼歸地楛三參天

麥遠硃酸

註
是方郎栢子仁五味子茯苓當歸生地桔梗丹參人參元
參天冬麥冬遠志硃砂酸棗仁

歸脾湯

歸脾思慮傷心脾熱煩盜汗悸驚俱健忘怔忡時恍惚四君酸
遠木歸耆

註
悸心自跳動也驚目觸物駭也健忘言事易忘也怔忡心

衝動甚也恍惚心時不明也方乃四君子加酸棗仁遠志

木香當歸黃耆

人參固本湯丸

保元生脈固本湯

固本肺腎兩虛病肺痿欬血欲成勞二冬二地人參共保元生
脈脾同調

註人參固本湯九郎人參天冬麥冬生地熟地也依本方再

加保元之黃耆炙草生脈之五味三方合一名保元生脈

固本湯同調謂同調脾肺腎三經虛也

逍遙散

逍遙理脾而清肝血虛骨蒸煩嗽痰寒熱頰赤脇不快婦人經
病脈虛弦木芍歸芍柴薄草加味梔丹肝熱添肝氣滯鬱陳撫
附熱加吳萸炒黃連

註是方郎白木茯苓當歸白芍柴胡薄荷甘草也肝氣熱依

本方加炒梔子丹皮名加味逍遙散肝氣滯加陳皮肝氣鬱加撫芎香附肝氣鬱熱加吳茱萸炒川黃連惟薄荷只可少許爲引不宜多用

癆瘵總括

癆瘵陰虛蟲乾血積熱骨蒸欬痰肌膚甲錯目黯黑始健不瀉下爲先

註

久病癆疾而名曰瘵瘵者敗也氣血兩敗之意也有陰虛乾血者有陰虛積熱者當以諸補陰藥治之肌膚甲錯謂皮膚乾澁也目黯黑者謂目黑無光也始健謂初病尚壯

不瀉謂久病不瀉也二者皆可以攻下爲先治也

癆瘵治法

癆瘵至瀉則必死不瀉能食尚可痊初取利後宜詳審次服柴胡清骨煎虛用黃耆鼈甲散熱衰大補養榮參皮熱柴胡胡連八骨蒸青蒿鼈甲添陰虛補陰諸丸劑陽虛補陽等湯圓欬嗽自同欬嗽治嗽血成方大平丸

註

癆瘵之人病至大便泄瀉則必死矣若不瀉能食尚堪任藥攻治故可痊也初取利後審其熱之微甚人之強弱若熱甚人強宜用柴胡清骨散熱不甚人弱宜用黃耆鼈甲散熱微人弱宜用十全大補人參養榮等湯若皮外發熱

加柴胡胡連骨內蒸熱加青蒿鼈甲午後陰虛發熱宜用
補陰諸丸湯藥陽虛惡寒清瘦宜用補陽諸丸湯藥欬嗽
不已同欬門方叅而治之嗽血者宜用成方太平丸可也

大黃廔蟲丸

大黃青蒿煎

傳屍將軍丸

乾血大黃廔蟲治積熱蒿黃膽便煎癸亥腰眼炙七壯後服傳

屍將軍丸

註

大黃廔蟲丸有成方大黃青蒿煎卽青蒿大黃猪膽汁童

便煎癆瘵日久有生惡蟲身死之後多遭傳染甚而滅門

名曰傳屍癆宜癸亥日灸兩腰眼各七壯後服傳屍將軍丸此方載丹溪心法書中

柴胡清骨散

清骨骨蒸久不痊熱甚秦知草胡連鼈甲青蒿柴地骨韭白髓

膽童便煎

註此方乃秦苑知母炙草胡連鼈甲青蒿柴胡地骨皮韭白

大豬脊髓豬膽汁童便也

黃耆鼈甲散

黃耆鼈甲虛勞熱骨蒸晡熱渴而煩肌肉消瘦食減少盜汗欬嗽出血痰生地赤芍柴秦草知耆薤骨半苓煎人參桂桔俱減

半鼈甲天冬桑倍添

註

此方即生地赤芍柴胡秦艽炙草知母黃耆紫苑地骨皮

半夏茯苓人參桂枝桔梗鼈甲天冬桑白皮也

自汗盜汗總括

自汗表陽虛惡冷陽實蒸熱汗津津盜汗陰虛分心腎心虛不

固火傷陰

註

無因出汗謂之自汗自汗謂表陽虛汗出則惡寒冷宜用

後方若蒸蒸發熱汗出不惡寒則為裏陽實宜以調胃承

氣湯下之睡則汗出覺則汗止謂之盜汗盜汗為陰虛當

分心虛不固心火傷陰也

黃耆六一湯

玉屏風散

黃耆建中湯

自汗表虛黃耆草玉屏風散木耆防氣虛加參陽虛附血虛黃

耆建中湯

註

黃耆六一湯即黃芪六錢甘草一錢也玉屏風散即黃耆

白朮防風也二方皆治表虛自汗若氣虛加人參陽虛加

附子可也若不惡寒不氣少則為血虛不可用參附宜黃

耆建中湯即小建中湯加黃耆也方在傷寒門

當歸六黃湯

酸棗仁湯

盜汗心火下傷陰歸耆二地藥連苓心虛酸棗芍歸地知藥苓

耆五味參

註

當歸六黃湯治心火傷陰盜汗即當歸黃耆黃芩黃連黃

蘗生熟地黃也酸棗仁湯治心虛不固盜汗即酸棗仁當

歸白芍生地知母黃蘗茯苓黃耆五味子人參也

失血總括

九竅出血名大衄鼻出鼻衄腦如泉耳目出血耳目衄膚出肌

衄齒牙宣內衄嗽涎脾唾腎咯心欬肺嘔屬肝精竅溺血膀胱
淋便血大腸吐胃間

註

九竅一齊出血名曰大衄鼻出血曰鼻衄鼻出血如泉曰
腦衄耳出血曰耳衄目出血曰目衄皮膚出血曰肌衄齒
牙出血曰齒衄又名牙宣此皆衄血隨所患處而命名也
若從口出則為內衄內衄出血涎嗽出於脾唾出於腎咯
出於心欬出於肺嘔出於肝吐出於胃溺血從精竅而出
淋血從膀胱而出嘔吐之分嘔則有上逆漉漉之聲吐則
無聲也

失血死證

失血身涼脈小順大疾身熱臥難齒口鼻湧出而不止大下潰腐命多傾

註

大疾脈大疾也臥難不能臥也大衄大下血出如湧泉不止內潰腐屍之氣則命傾也

失血治法

陽乘陰熱血妄行血犯氣分不歸經血病及府滲入濁由來藏病溢出清熱傷失血宜清熱勞傷理損自然平努即內傷初破逐久與勞傷治法同

註

凡失血之證陽盛乘陰則血為熱迫血不能安於脈中而妄行氣分不能回歸經脈也若血病傷及於府者則血滲

入腸胃濁道上從咽出下從二便而出也血病傷及於藏者則血溢出胸中清道上從喉出下從精竅而出也夫血藏於藏內行於脈中軀殼之中不可得而見也非有損傷不能爲病而損傷之道有三一曰熱傷宜以清熱爲主一曰勞傷宜以理損爲主一曰努傷初宜以破逐爲主久亦宜以理損爲主也

犀角地黄湯

熱傷一切失血病犀角地黄芍牡丹胸膈滿痛加桃大熱甚吐衄八芩連因怒嘔血柴梔炒唾血元參知蘘煎咯加二冬嗽三丹涎壅促嗽鬱金丸

註

熱傷一切失血之病皆宜犀角地黄湯若胸膈滿痛是爲
瘀血加桃仁大黃若吐血熱盛加黃芩黃連因怒致吐血
及嘔血者加柴胡炒梔唾血加元參黃蘗知母咯血加天
冬麥冬嗽血加知母貝母涎壅氣促陣陣急嗽帶出血者
宜鬱金丸方在後

加味救肺飲加鬱金湯

勞傷吐血救肺飲嗽血加調鬱金湯形衰無熱氣血弱人參養
榮加麥良

註

救肺飲卽虛勞門之加味救肺飲加調鬱金末也若氣血
虛弱不見火象宜用人參養榮湯加麥門冬也

芎歸飲

飽食用力或持重努破脈絡血歸芎嘔血漉漉聲上逆跌撲墮打有瘀行

註 飽食用力或因持重努傷脈絡失血湧吐宜用芎歸飲引

血歸經及嘔血跌撲墮打傷其脈絡令人大吐者亦皆宜之其有瘀血者或加大黃以下之或加桃仁紅花以破之或加鬱金黃酒以行之

參地煎

參地衄吐血不已熱隨血減氣隨亡氣虛人參為君主血熱為

君生地黃

註
參地煎卽人參生地黃也凡因熱傷衄吐血不已者則熱
已隨血滅然氣亦隨血亡也氣虛甚者當倍人參爲君血
熱者宜倍生地爲君時時煎服自止也

瀉肺丸

嗽血壅逆虛蘇子積熱痰黃瀉肺丸蔓仁半貝金葶杏三黃惟
大有除添

註
嗽血痰壅氣逆形氣虛者蘇子降氣湯降之方見諸氣門
痰黃積熱形氣實者用瀉肺丸下之卽栝蔓仁半夏浙貝
母鬱金苦葶薤子杏仁黃連黃芩大黃也惟大黃形氣實
者加之若形氣虛者或大便溏瀉則減去不用

保肺湯

保肺肺癰吐膿血白芨薏苡貝金陳苦梗苦葶甘草節初加防

風潰耆參

註

保肺湯即白芨薏苡仁貝母金銀花陳皮苦桔梗苦葶藶

甘草節也初起加防風潰後加生黃耆人參

牛膝四物湯

尿血同出痛淋血尿血分出溺血名溺血精竅牛四物淋血八

正地金通

註

淋血溺血二證若尿與血同出而痛名曰淋血尿與血分

出名曰溺血溺血為精竅之病用四物倍加牛膝淋血為

尿澀之病用八正散加木通生地鬱金治之

珀珠散

溺血諸藥而不效塊血竅滯莖急疼珀珠六一硃砂共引煎一兩整木通

註

溺血一證乃精竅爲病每因忍精不泄提氣採戰或因老年竭慾而成服諸藥不效者所溺之血成塊竅滯不利莖中急疼欲死者用珀珠散日三服每服三錢引用整木通去粗皮黃色者煎湯調服其方卽琥珀末一錢珍珠末五分硃砂末五分飛滑石六錢甘草末一錢合均分三服若其人大便秘燥不通以八正散加牛膝鬱金下之有熱尿

泄以導赤散加牛膝鬱金清之利後仍服此藥自有奇功
槐花散

便血內熱傷陰絡風合腸風濕藏瘍槐花側枳連炒穗風加秦
防濕棟蒼

註

便血二證腸風藏毒其本皆熱傷陰絡熱與風合爲腸風

下血多清熱與濕合爲臟毒下血多濁均宜槐花散即炒

槐花炒側栢葉醋炒枳殼川黃連炒荆芥穗爲末烏梅湯

調服腸風加秦芫防風臟毒加炒苦棟炒蒼朮若大腫大

痛大便不通當以臟毒未潰之瘍治之非臟毒下血之病
也

升陽去濕和血湯

便血日久涼不應升補升耆蒼桂秦歸芍丹陳二地草熱加黃
連虛人參

註

便血日久服涼藥不應宜升補用升陽去濕和血湯卽升
麻黃耆蒼朮肉桂秦芎當歸白芍丹皮陳皮生地熟地生
甘草炙甘草也有熱稍加吳茱萸炒川連虛加人參可也

消渴總括

試觀年老多夜溺休信三消盡熱乾飲多尿少渾赤熱飲少尿
多清白寒

註

上消屬肺飲水多而小便如常中消屬胃飲水多而小便短赤下消屬腎飲水多而小便渾濁三消皆燥熱病也然試觀年老好飲茶者夜必多溺則休信三消皆熱而亦有寒者矣飲水多小便少而渾赤者屬熱是火盛耗水而渾也飲水少小便多而清白者屬寒是火虛不能耗水也

消渴生死

三消便鞭若能食脈大實強尚可醫不食舌白傳腫瀉熱多舌紫發癰疽

註

三消飲水多不能食若能食大便鞭脈大強實者為胃實熱下之尚可醫也若不能食濕多舌白滑者病久則傳變

水腫泄瀉熱多舌紫乾者病久則發癰疽而死也

消渴治法

竹葉黃耆湯

便鞭能食脈大強調胃金花斟酌當不食渴瀉白朮散竹葉黃耆不瀉方黃耆黃芩合四物竹葉石膏減梗薑氣虛胃熱參白虎飲一洩二腎氣湯

註

調胃謂調胃承氣湯金花謂梔子金花湯方俱在傷寒門酌其所當用可也不食而渴已屬胃虛兼之泄瀉胃虛無熱矣故用七味白朮散方在虛損門若不食而渴亦不瀉者是雖虛而猶有燥熱也宜用竹葉黃耆湯即黃耆黃芩

當歸川芎白芍生地竹葉石膏人參炙草麥冬半夏也若
氣虛胃熱盛者宜用人參白虎湯若下焦虛寒飲一洩二
者宜用腎氣湯

